

序

咎唐虞之朝四岳佐之分
命帝臣周游八極內別五
方之山外分八方之海紀

濟南田雯撰



其舟車人跡之罕至撰水
土草木禽獸昆蟲之所止
及海外絕域殊類之人方
名詭物之所書伯益作山
海經洵奇觀矣下此唐蒙

莊躋之屬尚載舊聞長卿
陸賈之儔猶稱前史先生
粵閩之使烏可以無紀

今天下之大幅員數萬里東
南直跨彭湖西北已踰翰

今
海舞干羽於兩階奏簫韶
於九成可云極盛雖然論
緣海之境西北爲遠東南
爲近給沿海之地江浙爲
緩粵閩爲急何以言之管

趙王佗之攻粵秦稱一尉
路博德之麾兵漢建七郡
二守增於元封兩州刺自
黃武合浦珠犀銅柱丹徼
此粵海郡縣之制也若七

閩之郡古會稽冶縣之半
耳以其時地虛山谷人徙
江淮自侯官都尉漢分兩
部泉汀福建唐列四州此
閩海郡縣之制也當其始

沿邊列郡遞經遷徙金厦
兩門游鯨不絕沃洲之民
疲于奔命矣迨後三方削
平鎮戍興復抱圖歸丞相
之府銜壁繫中軍之營管

炎武有云征伐非必遠戰
掠地在平定安集之耳今
聖天子廟算於上以賢大臣
如先生巡視其地於以綏
靖邊疆厥功偉矣當此之

時爲茲役者有三難焉有
五利焉閩嶠崎嶇嶺表煙
漲深林密箐窮谷易入飛
艤舳艫海洋爲藪不放之
歸田則羈縻無方枳棘良

田虺蛇室內此一難也豪
強之民勢將侵冒返璧無
踪還珠奚術此一難也以
勢論之閩急於粵臺灣一
郡附閩不附粵也招徠勸

墾二事竝集先其所緩後
其所急此一難也若夫察
瀕海之地以還民寇無藉
焉其利一也邊烽不警緣
海列營民狎其野穡人成

功其利二也山澤弛禁魚
鹽是業貴貨易土土可賈
焉其利三也漳浦畧門遙
通市舶使西賚浮玉南琛
沒羽其利四也鑒於唐虞

而命山川別水土任土作
貢類族辨物俾厥田上上
厥賦上中其利五也以茲
五利易彼三難此一役也
乃可以濟管六詔遺蒙剖

哀牢之故窟羅施鬼國走
婦人于深宮滇黔之設有
自來矣若天吳之域洪波
巨浸海童之區潮風來往
郡縣所列古未曾有先生

之功則于疆于理至於南
海摛詞則本爾雅水經注
諸書紀事則可作島居職
方之志豈止夫蝦鬚九尺
海人三寸水壩獲長臂之

衣殊方有懸乳之頸哉
元帝之罷珠崖宋皇之畫
玉斧漢武嘗偏棄造陽勝
國亦終遺交趾今之邊陲
邁古遠矣是以封之金繩

裝之酸棗固亦虞書之別
錄禹貢之外編先生前代
牧之十六衛罪言何足儔
矣



卷之四
 四
 卷之五
 五
 卷之六
 六
 卷之七
 七
 卷之八
 八
 卷之九
 九
 卷之十
 十
 卷之十一
 十一
 卷之十二
 十二
 卷之十三
 十三
 卷之十四
 十四
 卷之十五
 十五
 卷之十六
 十六
 卷之十七
 十七
 卷之十八
 十八
 卷之十九
 十九
 卷之二十
 二十

序
 國家遷海之舉未雨綢繆
 絕逋逃之姦禁闌出闌入
 之狡啓蓋深鑒夫孫恩盧
 循之亂以及嘉靖中王直

諸人之引寇防危慮患法
至善也惟是海壖諸境綿
亘幾數千里在朝廷賦額
固不靳錙銖而自遷界之
後從來沃壤竟爲甌脫民

亡舟鮫魚鹽耕獲之利失
業者且數十萬家會
天子神靈威行絕域海寇
遊魂皆匍匐蛾伏歸命京
師于是鯨波鱷浪盡屬安

瀾平長翰或臨或望或
上乃重念海濱赤子亟思
還定而安集之爰遣重臣
往借彼土大吏一切招徠
撫綏便宜從事而今大司

馬吾鄉杜公時以少宰晉
司空實受命蒞粵閩之區
公以康熙二十二年臘月
自都啓行跋履迢遙踰越
險阻于役之勞不遑寧處

御曆三
至明年五月而畢事歷時
僅五六晦朔而往返且六
七千里用以宣布于遠民
上意諮諏民隱蓋公勤以
奉職廉以持躬勤則不濡

滯于事廉則無屬望于人
由是以十萬之師爲一使
之任孚於同官肅於僚屬
不疾而速化馳若神夫豈
偶然致之者哉今讀我公

後序四
巡視紀略一書知公所實
心從事者首在察地還民
蓋示乎效回官肅效勤
聖天子加惠元元之本指
以廣皇仁也次則移屯

戍于界外不忘固圉也弛
魚鹽之禁利民也酌番舶
之通市兼柔遠也此公經
濟之大者也若夫防城之
地連交趾澎湖之道接中

徐氏五
山舉門種落來自迤西紅
毛部族鄰于呂宋公皆以
誠意格之清操感之內寧
外戢遠至邇安使
聖朝漸被暨訖之化極於

無垠猗歟休哉至其爲書
大而山川之經緯細而村
井之臚列如瞭指掌如數
家珍以及考据典章發皇
忠義闡幽微顯揆軼補亡

在此書爲餘事而要皆可
不朽于後世者也抑公是
舉也安閩粵實以安東南
東南財賦之區海水羣飛
斗牛芒彗天下之所係孰

大於是後世讀是書者知
公之功豈專在閩粵耶時
康熙己卯仲夏



予告通奉大夫內閣學士
兼禮部侍郎加一級同里





受業徐嘉炎謹拜撰







Vertical columns of text, including a large seal script character '大' and other characters, likely representing a title or a collection of inscriptions.













福建沿海總圖



東北止浙江溫處界

福浙分水關

泉江

東山臺

官澳

洋口

沂江

鎮下門

山臺

山風屏

山嶺

山崎黃

山家周

三沙壘


伏虎岩


山桐



雙髻峯

峯龜

峯龍







閩圖四

內地民免鋒鏑之虞而寇無所掠勢將自困于是粵閩江浙諸鎮戍以次更置賊勢果絀降者接踵疆臣率衆討逐賊遂棄金門廈門迸竄遠島所謂臺灣者居亡何成功死子錦代領其衆勢益弱迨耿逆變叛始勾之入居漳泉

王師收閩寇衆仍遁疆臣再修海備盡掃游氛而海壇金廈復寘戍兵矣于是降者又多無以處之康熙十九年六月福督姚啓聖上疏言投誠之衆率

皆前日遷徙之民也若不給與俸餉無以安其身心欲給之則有限金錢不可爲繼若令歸農又多無農可歸勢必復去而爲盜以臣愚慮莫若將界外田地盡行給還方今海外要地已設提督總兵大臣重兵屯守是官兵在外而投誠在內夫復何慮且彼等樂得故土人人有安土重遷之思卽迫之爲盜亦不可得矣故臣以爲界外田土查有主還民之外應悉給投誠開墾疏上部議駁覆再三

奉

旨會議應俟設兵完畢之日請行

上可之啓聖又會同撫臣吳興祚提臣萬正色合詞

保題其言曰星羅碁布漸見海波不揚正臣等遵

旨請開邊界之日也一開界則上可以增國賦下可

以遂民生併可收魚鹽之利以餉新兵安投誠之

心永無反側又可使臺灣之衆望風來歸疏上再

議得奉 旨 舊展界之

旨于是閩界稍稍開二十年 月科臣傅感丁奏曰

伏見福督臣姚啓聖請開邊界業奉

允行夫近寇之省莫若閩閩且得開他省遠寇者何

不可開乞

勅各督撫將界外田地招徠舊遷之民及情愿墾荒

者令其耕種三年之後起科部議下所司詳酌保

題久之皆鰓鰓過慮無敢直任者二十二年五月

將軍施琅進勦海寇克取澎湖島馳檄臺灣諭以

順逆之理時鄭錦已死其子克塽率眾來歸請納土為郡縣而粵東督撫將軍保題疏適至于是兵部議請開界十月二十二日得

旨江南浙江福建廣東沿海田地應給民耕種其緊要地方仍應作何防守等項事宜着差部院堂官

前往會同該督撫詳察確議具奏戶部列諸臣名

以上工部侍郎臣金世鑑副都御史臣呀思哈奉

命往江浙而臣臻及內閣學士臣石柱亦拜閩粵之

命是役也有當行之事四焉察瀕海之地以還民一

也緣邊寨營烽埃向移內地者宜仍徙于外二也

海孺之民以捕鮮煮鹽為業宜并弛其禁三也故

事直隸天津衛山東登州府江南雲臺山浙江寧

波府福建漳州府廣東畧門各通市舶行賈外洋

以禁海暫阻應酌其可行與否四也臣臻受命悚

惕即日俶裝戒行心竊自念

皇上如天至仁迫欲見海孺之民及時耕耨今疾馳

度嶺已將改歲待論定奏報得又部無雜令次
旨而後行則農時已逾非所以奉宣
德意也幸偕行諸臣亦同此懷遂用綠頭牌啓奏請
于會勘之日將勘明地畝隨時責令有司招民佃
種其應設防守卽時分設俟一省事竣驛疏奏聞
上許之十一日戊寅陞辭

臣臻 臣柱

踈請

訓命

皇上熟思久之曰開界地畝務求原主授之宣諭督

撫務俾得所臣等謹受命

皇上問勘視將先何省 臣臻 對曰將始廣東

皇上問何以不先福建 臣臻 對曰臣等先至廣東令

彼處百姓及時承墾庶不悞春耕之時

皇上曰獨不悞福建開墾耶 臣臻 對曰福建督撫方

安插投誠未暇協理開墾臣等以其間先竣粵事

次至閩省諸臣已暇可以會商且閩土節候北粵稍近

皇上領之又

諭曰將軍施烺諳悉海島凡事必與共議臣等拜受命

皇上又召致榻前諄諄誠諭曰汝二人朕所親簡當善體朕意臣等又再拜受命而出曰

已卯啓行宿良鄉偕行者石學士柱主政殷特正

郎張建績中翰筆帖式賴都

壬午至河間府

甲申至德州

已丑至兗州府

辛卯至利國驛蓋已入江南界矣計行十有二日

皆鷄鳴首途漏再下而止馬上口占有努力前驅

頻計日只因海畔蚤春耕之句

壬辰渡大河止徐州

丙申渡淮

丁酉晦過紅心驛行亂山中四十里

十二月戊戌朔發定遠

已亥至廬州府

辛丑過七里河止桐城蒼山萬疊松檜蕭森風景大異北地

壬寅過岡嶺二十餘涉溪澗亦十餘止潛山

甲辰至黃梅始入湖廣境

乙巳由孔壠驛渡江止九江府

丙午過五石門止德安縣峻阪斗絕登頓殊艱方卽次而雷雨作幸免霑塗之苦

丁未止德興宿徐中書宅

戊申至章江安撫軍

世鼎

陳總戎

平

張藩伯

所志

署臬查君

培繼

督學高君

璜

督糧鮑君

畋

率府屬

共迎且具舟以待

己酉揚帆早發乍釋羈勒之勞而遇此差足快意

庚戌止樟樹

辛亥止峽江山水迴澹頗似浙東嚴陵瀨是夕微

雪

壬子止吉安府

癸丑止鹽溪凡四日皆順風
乙卯至萬安將上灘覓灘夫以行是地水勢湍急
必用健夫習水道者二人一持篙一捩舵宛轉石
罅中方免傾欹撞擊之患是日幸假風力不覺其
難行六十里止大王廟
丙辰亦行六十里上四灘止攸鎮
丁巳連上十灘虔郡諸君共迎于除灘廟張燈時

次贛州自萬安抵贛二百四十里名灘十八餘小
灘不可勝數懸水斗瀉亂石鋒蘊舟尺寸失便利
卽不可知然勢益險而境益奇行人方以洞心駭
目爲快不暇震怖也城北卽章貢合流處章自粵
來貢自閩來交會于此郡名所自得也

戊午易茅蓬船止新塘人羣賦詩
己未止南康山光秀潤村壠時有菜花如江南二

月時

庚申早發兩岸峭壁千仞江流百折將至南安距
城五里許已二鼓矣有虎自山巔下直搏挽船卒
挽船卒惶遽疾呼舟中人羣起和之僅乃獲免少
頃張正郎至言虎又挈其儕偶狙伺山麓冀攫後
曹挽卒舟人覺之連發四鳥鎗乃去
辛酉舍舟度嶺過所謂南越雄關者夾道皆短垣
蓋少宗伯楊公爾茂祭告時所築也蒼松列嶂間
以平疇約九十里村民以竹籠盛大蝴蝶兩翅廣

可尺餘五色絢爛腹垂繡囊遺子大如鳧卵或言
此蝶產于羅浮麻姑仙去時蛻裙所化云薄暮抵
南雄登舟年友朱君介至二簋飲舟中宵分而別

癸亥泊蘇渡江蘇氏頗具饗生會蕭而欲其日出
甲子過韶州府泊白兔舉至晉州率出風去
乙丑掛帆行三百里過英德泊江岸廉石諸峰玲
瓏錯峙奇秀壁立舉至山安南具于中
丙寅除夕抵迎恩亭泊舟分歲舉至南而後

二十三年正月丁卯元旦卽迎恩率諸臣行慶賀
禮泊三水周儀部燦至自安南見于舟中

戊辰吳總制

典祚

李撫軍

士楨

郎藩伯

廷樞

胡臬

憲

戴仁

督糧蔣君

伊

提舉汪君

兆璋

率諸屬先後

至先行請安禮乃敢具賓主會議諸務是日出
示招民先是文陛辭之日卽已移咨兩省督撫述

皇上急欲小民歸業之意至是復刊示曉諭略曰先
因海寇陸梁遊踪出沒不時抄掠爾等良民

皇上爲爾等身家計權移內地以避賊鋒今邀

皇上威靈蕩平海外克孽永除允科臣奏請特遣大

臣勘明地界給還原主或有原主已亡無從查覓
者聽情愿墾荒之人量力承種總俟三年起科

皇上愛民至仁爾等固當曲體卽爾等自今承佃之

後子孫世世享有先業關係亦復非輕爾等當聞
命嚮應勿有瞻顧示下萬衆驩呼繼以泣下因命
飛遞各屬務使周知次與諸臣定議勘界程途當

始于欽州之防城
按粵省介在荒服控帶峒獠而防海爲尤要秦
命南海尉任囂築城瀧口此置戍之始也漢設
交州刺史治南海唐置嶺南五管經略招討使
宋以京官充嶺南道經略安撫使元置廣東道
宣慰使司兵制損益代有不同明太祖洪武二
年命平章廖永忠參政朱亮祖取廣東遂命亮
祖鎮守建置衛所分布要害其沿海者曰潮州

衛轄大城蓬州海門靖海四所曰碣石衛轄甲
子門捷勝海豐平海四所曰南海衛轄大鵬東
莞二所曰廣海衛轄香山新會海蓂三所曰肇
慶衛轄陽江所曰神電衛轄陽春雙魚寧川三
所曰雷州衛轄石城錦囊海安海康樂民五所
曰廉州衛轄永安欽州二所衛設指揮等官所
設鎮撫千戶等官分領旗軍設屯田以贍之星
羅戍守又多建墩烽一傳百應爲常山率然之

勢頗稱嚴整正統間因黃蕭養寇亂設總兵于
蒼梧制兩省嘉靖間倭寇犯邊始專鎮于東粵
又設雷廉叅將一駐雷州水營叅將駐南頭萬
曆初又設惠潮叅將各一白鴿水營叅將一潤
洲水營遊擊一柘林碣石虎頭門廣海北津白
鴿六水營守備各一于是旗軍而外復有城守
之民壯斥埃之表加以水哨之遊巡大將居中
操臂指之權守綦密矣其防汛之境略分三路

高雷廉三郡斗入海中西界欽州控連交趾雜
處羅旁南面巨海縮轂瓊山而占城暹羅滿刺
諸番環匝于外蓋省會之西蔽也其地以神電
雷州廉州三衛十一所爲邊白鴿潤洲兩水營
游徼于外是爲西路廣州帶三江阻重海崖門
虎門夾峙左右屹爲筦鑰前山嶽門蕃舶所集
南頭控其東陽江介其西實全省之中權也其
地以肇慶廣海南海三衛六所爲邊虎頭門廣

海北津三營游徼于外而南頭一鎮總挈之是
爲中路惠潮二郡界連閩省漳舶通番道所必
經南澳介處兩省之間伏莽蟠互全恃兩府之
彈壓又省會東偏一要阨也其地以潮州碣石
兩衛八所爲邊柘林碣石兩水營游徼于外是
爲西路三路各統于本管之叅將而兼轄于兩
總戎瓊州孤懸海外自爲一鎮此明代設兵之
大較也 國初山海未靖順治七年特置兩藩

重兵駐守防海之籌視前加甚省會設提督潮
州碣石高州各設總兵惠州雷州各設副將廉
州設叅將各縣衛所要地並設游守分防盡罷
衛所旗軍屯租領于縣官兵皆隸于各協制度
一變康熙元年副都統覺羅科爾坤奉

旨行定海疆自閩界之分水關西抵防城接于西粵畫
界三千七百里界外戍兵移之內地于是大城
甲子捷勝海朗海安海康永安樂民諸所柘林

黃岡潤洲諸游汛皆棄不守更于內隘分設汛防其餘邊界五里一墩十里一臺墩置五兵臺置六兵禁民外出情勢又復一變八年展界議以海邊爲界修復廢毀諸營聽民出田界外邊境稍拓然亦未能如舊至邊民之復業者尤寥寥僅見也今所守諸汛視八年所展之界又復不侔事經變亂文書散失不能詳定焉現設

欽州營遊擊一守備一千總三把總六國初兵額員

一千十三名

乾體營遊擊一守備一千總二把總四兵一千

三百六十六名

國初無續設

廉州府總兵一遊擊二守備二千總四把總八

兵一千八百八十八名

舊係叅將康熙元年改總兵領本鎮兵一千

洲兵一千加募兵一千共三千名今減

高州府石城營守備一千總三把總五

國初兵額員

四百名

雷州府副將一都司二守備二千總五把總八

國初兵一千四百名

徐聞營守備一千總一把總二國初兵三百名

海安營遊擊一守備一千總二把總四國初兵

一千名

白鴿寨守備一千總一把總二續設兵五百名

吳川營遊擊一守備一千總二把總四國初兵

八百四十名

高雷總兵一遊擊二守備二千總四把總八國初

額員駐高州府兵一千八百九十一名

電白營遊擊一守備一千總二把總四國初兵

八百四十名

肇慶府春江營副將一都司一守備二千總四

把總八兵一千六百名國初無順治九年設陽高遊擊一員十一年西

寇侵軼兵散十三年委官招復十七年即改為春江遊擊領兵一千康熙三年加兵五百改參

將八年又加五百改副將

那扶營守備一千總一把總二國初額員兵四百名

廣海寨遊擊一守備一千總二把總四兵九百

六名舊設參將一員兵一千名加提標四百名康熙元年又加撫標六百名共二千名今

改減

新會營遊擊一守備一千總四把總六國初設兼防會

寧兵一千三百名

香山營副將一都司二守備二千總五把總十

兵二千名順治四年設前山寨官兵五百員名康熙元年加兵五百改設參將駐防

縣城三年又加兵一千共二千名改設副將

順德營總兵一遊擊三守備三千總六把總十

二兵三千名順德舊不設兵康熙二年因周李二寇犯城而設十二年題定雖駐

縣城兼轄南番香山各縣巡緝沿海

虎門寨副將一都司二守備二千總四把總十

兵二千名原設參將一員兵一千名今改增

新安營遊擊一守備一千總二把總四兵七百

八名舊設守備一兵五百名康熙三年加五百名四年廣州左路總兵移鎮七年罷今改

減

惠州府副將一都司三守備二千總四把總八

國初兵一千五百名

碣石衛總兵一遊擊三守備三千總七把總十

國初兵三千名

惠來營遊擊一守備一千總三把總六國初兵

八百名

海門營守備一千總一把總二舊撥都兵四百

司今改

名

潮陽營遊擊一守備一千總二把總四舊設副將一都

司二兵一千名

達濠營副將一都司三守備三千總六把總十

二兵三千名

舊無因秋風角海寇丘鳳據達濠埠康熙十九年討平之添設

潮州府總兵一遊擊三守備三千總六把總十

國初兵二千四百九十五名

澄海營副將一都司二守備二千總四把總八

國初兵一千六百名

黃岡營副將一都司二守備二千總四把總八

國初

額兵一千三百三十四名

凡爲營二十八兵若干名于中抽調一萬四百七十六名分布緣邊諸汛候閱定因奉

旨查閱先粵後閩故自西界防城始迤邐而東焉

庚午至肇慶之崧臺驛督標副將張銳史孔筆都司薛銓率叅遊等將甲士五千迎于道軍容甚盛

崧臺危石孤聳高二百餘仞廣六十餘丈下有石室高可五丈容百人北向通明南有門可入左一竇持火入數十丈有龍井龍牀龍磨角石右一竇亦用火入數十步石窗穿漏光熒熒下射前有浦名高星旁連七星巖曲折列峙如北斗中爲石室巖東逾瀝湖半里爲屏風巖又一里爲閩風巖石室西半里爲天柱巖一里爲蟾蜍巖又一里爲仙掌巖西北二里爲阿坡巖延袤數十里瀝水環其

下讀唐李邕記有云疊花仰空の樂瓊脂宋陶翼
 記有云滴乳成柱凝藍作蓋寫石室之勝最真自
 此舍舟蓋半里魚風巖又一里魚風巖
 甲戌偕同事諸公俱西北抽北中魚
 乙亥至新興十世不會突誠光焚焚不得前林
 丙子過佛子嶺奇峰聳兀登降頗煩止天堂一
 丁丑至陽春容自人北向風前林西人
 戊寅渡潭瀝那思二河給六十給支不

己卯至太平

庚辰至電白

辛巳行三十里至溫泉菴有兩池廣輪數尺冬夏

常熟居民用以給浣濯止三橋

壬午黎旦拜福建開墾疏并移咨閩省將軍督撫

申陞辭時

天語也次高州戍卒士民迎候不絕于道訴訟如雲
 有言兵丁佔民產者下所司廉問餘皆斥去國

初高郡受兵最酷總戎官廨卽僞秦王藩府也堂形如殿覆瓦悉用琉璃近始撤易加以祖逆盤踞井里蕭條極矣

癸未高民失火燔燬廬舍六十餘區捐橐金十兩助之過洗夫人祠完

洗夫人祠在郡東門外史稱洗氏高涼人世爲南越首領洗氏幼賢明曉兵略能拊循部衆每勸親族行善信義結于本鄉海南歸附者十餘

峒羅州刺史馮融聞其名聘爲其子高涼太守寶妻侯景叛梁廣州都督蕭勃徵兵援臺高州刺史李遷仕據大臯口遣使召寶洗氏曰刺史被召援臺乃稱有疾鑄兵聚衆而後喚君此必反也且無往寶從之已而遷仕果反洗氏詐爲輸賧伏甲攻遷仕敗之懷集百越數州晏然亡何寶卒陳永定二年其子僕年九歲遣首領朝于丹陽拜陽春郡守廣州刺史歐陽紇叛陳誘

僕與俱先氏曰吾矢忠貞迄今兩代豈敢輒負
國家發兵拒紇紇衆遂潰僕以功封信都侯加
平越中郎將石龍太守册先氏爲太夫人至德
中僕卒陳亡嶺南人奉先氏爲主隋高祖遣摠
管韋洸安撫嶺外并遣人遺先氏書以先氏故
獻陳主扶南犀杖爲信先氏見杖集首領痛哭
遂迎洸未幾番禺人王仲宣反先氏遣其孫盎
討平之高祖拜盎高州刺史贈寶爲譙國公洸

氏册譙國夫人開幕府置官屬皇后輟首飾賜
之洸氏盛以金篋歲陳之以示子孫曰此忠孝
之報也仁壽初卒贈誠敬夫人隋末盎保嶺南
其下請正南越王號不許武德五年歸唐授上
柱國高州總管封吳國公子智戴仕至左武衛
將軍惟嶺南介在荒服不能北向而從兵車之
會但謹守疆索爲天子保境土斯爲良牧矣洸
氏系出峒族歸于將門當羣雄角逐之時處僻

遠孤危之境乃能尊朝廷惇信義見無禮于共
主者則擊去之和其人民以待有德雖竇融錢
俶何以加焉卒令馮氏安全延及五世一方蒙
庇幾及百年以視夫沐猴冠帶妄覲非分殃民
而卒以自亡者其得失豈可同日語哉南人德
之飾祠表墓至今不絕有以也洗氏墓在舊縣
蓋墓或云在陽江東山下或云在電白馮家村
馮家村又有蓋宅手植枯椰子二株尚存

甲申止化州州署有兩橘實大如椽可以療疾庭
有龍首石又有石在州後潛江中曰龍尾相傳龍
首時有吼聲如鶯隋置石龍縣以此

乙酉過菜竹堂琉璃菴止石城縣夾道灌樹叢生
蟲鳴似秋而行旅揮汗
丙戌渡龍灣河宿清平營

戊子至廉州

己丑閱乾體營登八字山望海復返廉州而西地

多濘淖昏黑不可昇輿騎行二十五里用土人爲
導躑躅林箐中時時恍見獸鬼來攫人抵那暮塘
宿

廉州至乾體十五里乾體至海四十里乾體村
名屬合浦明地圖有乾體營兵防條不載蓋嘗
有之而久廢矣元年界外八年疏中稱有乾體
營不知何時設

庚寅行六十里渡平銀河止一小牒而渡者甚衆
爭先過重方半渡而舟沉溺者十餘人僕高大與
焉鉤得已僵昇行三十里至欽州而復蘇吐白沫
斗餘是日死者四人兩人屍不可得蓋爲蛟蜃所
噬矣止欽州登天涯亭閱州治於城西以
辛卯石學士吳制院分閱龍門先別去予與李撫
軍同詣防城登舟于鴻飛亭

欽州之水曰欽江在州治東源出洪牙山流經
城東南以入于海州西二十里有漁洪江又十

里鳳凰山州東三十里平銀江出博峩山南一
百餘里防城江出仙隆山東臨出共天山流
天涯亭在州東門月城上

鴻飛亭在州東門遊魚洲上前知州林希元改
東嶽廟爲之取子瞻鴻飛那復辨東西之句以
十爲名羣山遠拱頗稱勝槩

辛卯舟行十里至尖山嶺又十里至石灘又三十
里出猫尾灣海口望亞公山黃陂門龍門七十二

逕皆在巨浸中歷歷可辨其東則牙山斗出海外
循海而西十五里至青鳩口戍臺也故有守臺五
卒虎噬其三二亦棄去臺隨圯矣又五里至長墩
河口夾岸置砲臺無守者又行五十里至埔

讀如崇

淪塘自青鳩至此夾岍皆林木在山趾者多海欖
潮至半浸水中在山顛者多鐵櫪色白而葉細
壬辰曉起陸行萬木陰森猿啼不絕其音凄斷必
以三聲爲度憶唐張說欽州詩有饑狢啼相聚哀

猥喘更飛之句爲低徊久之十五里至防城守備
郝炳麟擁馬首流涕不已相與愴然聞昔逃虛者
見似人而喜茲以絕域而覩使華其悲喜失序無
足怪也然窮邊遠戍之苦益可念矣河西山麓廢
壘巋然舊防城也尚有民居五家以隔水難于策
應遂徙今砦樹棘爲柵取具一時非久遠之規也
舊城控制迤西必宜修復蓋昔以畫界故人踪希
濶今流亡盡歸魚鹽稠沓久之當成雄鎮也正南

十里爲水營又南九十里爲蓬羅臺西南四十里
爲漁洲坪正西四十里爲三囊臺又西五十里爲
如昔崗又西九十里爲漸凜崗又西一百八十里
爲古森崗卽分茅嶺也更西卽交趾矣西北爲王
光十萬大山口正北接廣西上思州界上思之西
卽交趾岐那隘防城正南江口有洲名曰三口浪
土人謂浪一湧爲一口相傳馬伏波下營于此浪
三湧連發三矢射之皆平遂成此洲已刻復登舟

由長墩內河行六十里至涌口有戍兵向在長墩
因楊二亂徙此

欽州屬靈山一縣在州北內地止州治附海元

年畫界自防城歷大鹿山等境

石梅山那狼山
三中山平壁山

空朗山派暮嶺西丫山石家山那鹿山過河埔

口嶺魚洪嶺方家村洪屋嶺望海嶺茶山嶺大

木嶺十二嶺望州峰版橋峰江標嶺三草嶺鷄

背嶺小路林邏嶺尖山嶺瓦竈嶺佛子嶺馬留

山織籬圍至高嶺盡大觀港為欽州邊邊界以

山封田山外距海四十里者為織籬圍村魚洪村三十里

者為黃屋屯孔明村大值村二十五里者瓦竈

村鷄窩村二十里者根竹村墟埠村舊關村胎

暮村洞晚村十里者長山村有貴坑村埠頭村

那畔村料連村及近海六七里以下至一二里

若嶺脚村等

西寮村南沙村竹根海尾村犀牛
角村大絲蘿村小竈村烏雷塘村

平山村大竈村小榕涌村孔雀環村牧牛嶺村

鷄墩村金鼓嘴石頭港鹿兒潭長墩關涌村白
鷺村閒落村青鳩埠大頭村大小鄧村大蜆村
開元村西蜆村那落村江那村佛子村小頭村
埔茶村箔寮村南港村芋蒙村白沙芋村殊砂
港欄埔村攬埠村蓬羅村冬瓜墩牛路村山心

村魚洲坪白沙灣
赤沙頭潭頭村
皆移并三年續遷共豁田地

四百七十一頃有奇于埔口諸處因界設守八

年展界稍復舊邊今從欽州營撥守防城各汛

防城守備一兵一百八十名王光十萬山口二

十名小董汛把總一兵八十名三十六村汛把

總一兵四十名漸凜崗二十名如昔崗把總一

兵四十名三囊山口二十名漁洲坪五十名水

營二十名南港臺十名青鳩臺十名長墩河口

千總一兵四十名烏雷臺十名牙山臺十名牙

山港十名大觀港
候閱定

把總一兵四十名

按舊志地圖有防城而不列于鎮戍之數然疆

域條云南支地脉起于徼外入粵西思明上思

二州叢起為分茅嶺盡防城之曲折而南入靈

山轉高涼至恩平發為高雷廉瓊四府一州之

境則防城一地實粵南之維首山川條有防城

江注云其水自防城入于交阯未安河安南志

載嘉靖二十年安南臣鄭松攻殺其主莫茂洽

其族人莫敦讓來奔于防城蓋其來久矣兵衛

條有黃土營注云舊防城營也在時羅都交阯

界久廢萬曆間知州董延欽復建改名由是防城之名遂沒再考欽州之西控連交趾故有七

崗曰時羅曰貼浪曰如昔曰漸凜曰羅浮

一稱鑑山

一稱金勒

曰古森曰葛源

一稱博是

今防城舊建時

羅而如昔漸凜並在鎮守之列羅浮舊亦設營去防城百里則防城爲七崗故址無疑也崗主多黃姓相傳有青州人黃萬定者從馬新息征南有功留守邊境子孫世守七崗唐德宗貞元

十年崗賊黃少卿叛陷欽州元和間又有黃承

慶黃少度黃昌瓘繼起裴行立陽旻討之不能

定韓愈爲祭酒上黃家賊事宜狀卽其子孫也

元世祖時以崗主黃世華討賊有功授爲七崗

長官至正二十二年崗主黃聖許反寇欽州時

羅貼浪七崗人民亡散殆盡明初叅政朱亮祖

定廣東以七崗人民不多革其長官諸崗長以

此懷怨宣德二年漸凜崗長黃金廣糾合時羅

崗長黃子嬌了葛崗長黃建古森崗長黃寬舉
四崗一十九村二百七十戶叛附安南黎氏官
之爲經略使等官世襲以七崗地屬彼國之萬
寧州正統五年巡按御史朱鑑或云何善奉璽書至
時羅都之灘凌山揭榜招金廣等不至至今其
地名曰招遠山金廣死子進襲進死子無害襲
無害死子伯銀襲爲奮略將軍經略僉事嘉靖
十九年安南國主莫登庸納欵獻還四崗之地

了葛羅浮收入如昔都漸凜古森收入貽浪都
由是七崗并爲三都焉時羅崗主獨禡姓相傳
有禡純旺者從馬新息南征有功留守欽邕二
州爲時休崗長永樂時失其世官其孫禡貴成
移守時羅明末交人猶喋喋以故土爲言

天朝威德遠屆方外順軌然崗界之民猶有輸地賦
于安南納丁銀于本管者蓋羈縻不絕所由來
也永樂初平交陞收其地爲郡縣尚書黃福議

日交阯萬寧縣接雲屯海口并連欽州最爲險
要宜于欽州千戶所添軍立衛以備之英國公
張輔復請設防城佛涌二水驛寧越涌淪二遞
運所以通交阯之路因交南旋棄其議遂止嘉
靖間廉州知府張岳言粵東入交之路自雷州
冠頭嶺發舟順風一二日可抵交之海東府自
欽州天涯亭猫尾港歷烏雷海白龍尾玉門山
抵交之萬寧州度可七站蓋時方用兵于交故

議者復及此也然則防城一戍不惟控制海島
抑且筦鑰屬國備書之以爲疆吏告焉
龍門江源出合浦之龍門嶺五十里有仙人橋
溪中突起一石儼若巨舟長四丈濶半之南岸
數石相連北岸石條橫架于上有巨人跡纍纍
然橋南兩石人夾侍稍東又一石橋旁有石佛
石船俗傳仙人撐石船引大廉小港北通石康
至此聞鷄聲乃止一名石鷄橋又五十里爲大

廉山經欽州南六十里兩崖夾峙形勢若門而水深百尋大魚登此卽化成龍不得過者曝腮點額血流入水恒如丹池流經涌淪周墩而達交阯龍門之前有鷄籠嶺又有巨石淡水出焉名淡水灣門外羣山錯列海中所謂七十二逕也自欽州鴻飛亭十五里至佛子墩出海口又十里至黃陂門又十里過亞公山至龍門島中央平曠可立營砦爲泊船操兵之地周圍七十里

二小山鱗次環繞每兩山中一沙逕水淺可通人行潮湧則舟入之故有七十二逕之名明世設蛋總一兵一百八名戰艦六常駐于此統于濶洲遊擊又于龍門江口之煙通嶺設營以相策應祖澤清叛時羣盜蜂起土人謝昌者據之爲暴欽廉之境昌敗其部下楊二代領其衆阻險爲窟官兵莫敢誰何協鎮蔡璋勒兵勦捕二力戰自午迄日中不退璋勢頗窘跽伏舡艙中

禱于天曰賊惡已稔天倘欲殲之以除民患願
假我東風一帆拜未起東風驟作一軍驩呼因
縱火焚賊舟俱盡二乘走舸逸入交阯龍門遂
虛茲與吳公議復守之
或作蛋戶或作廣南惠潮皆有之編蓬瀕水而居謂
之木欄見水色則知有龍故又曰龍戶晉陶璜
疏廣州南岸蠻蛋雜居昌黎詩馬人龍戶子瞻
詩蠻煙蛋雨皆指此自唐以來計丁輸官明初

隸河泊所歲收漁課其人多姓麥濮吳蘇河古
以南蠻爲蛇種觀蛋家神宮祀蛇可見廉州採
珠多用之茲用爲戍長取其習知海事也

欽州前世守禦可考者宋置二砦一曰鹿井砦
在州西南控象鼻沙大水口入海通交州一曰
三村砦在州東南控寶蛤灣海口東南轉雷州
之遞角塲又欽州西南有六水口曰譚家曰黃
標曰藏埔曰西陽曰大灣曰大亭皆置兵守之

古今地名不同未暇深考明設欽州所卽在州

治內而黃土

卽防城

龍門二營其要地也又有平

銀營卽渡口也又有白皮營在白皮村今詢土人云白皮場在牙山下牙山在州治東南九十里海中特起三山形如排牙故名萬曆三十六年因變亂嘗設營于此意卽白皮營也西路又有羅浮營在防城外一百十里河洲村因道出彝界餽餉艱難又設思勒包冲二營于江平去

防城九十里尋廢考如昔崗在思勒村今如昔戍蓋卽思勒置營處羅浮山名原名安京山隋嘗于此置安京縣唐廉州刺史甯純以其似惠州之羅浮遂改名焉劉鋹得古劍于欽州羅浮上有丁亥聖君識遂爲宋太宗嗣統之兆卽此也澁坑營在烏雷嶺距州南一百五十里海濱銅柱按黃佐舊志古蹟條在欽州西貼浪都古森崗漢伏波將軍馬援旣平交阯立以表漢界

上有銘曰銅柱折交趾滅交人懼其折嘗投石以衛其趾曹學佺名勝志云分茅嶺有伏波銅柱在欽州西南二百里與交趾分界山頂生茅南北異向唐安南都護馬惣亦建二銅柱于漢故處以自明伏波之裔明宣德二年地陷交趾嘉靖二十一年莫登庸降順復歸版圖二說相合銅柱在欽地無疑矣然林邑志云馬援植二銅柱于象林晉地理志注云象林卽林邑與西鄙國分漢之

南疆隋書大業元年劉方敗林邑經馬援銅柱南唐書南蠻傳林邑南大浦有五銅柱馬援所植依此則銅柱又在林邑今據漢書武帝始立交趾日南九真郡光武帝建武十六年交趾女子徵側徵貳叛十八年馬援軍至浪泊上與徵側等戰大破之十九年馬援討賊至九真建銅柱于林邑界交趾平罷州牧設刺史漢交趾郡治在今安南富良江上九真郡治卽安南之清

華府林邑卽今占城國也而銅柱又在其南其
非欽州可知矣且援方當盛漢時交阯爲漢郡
而文其柱曰交阯滅此何以解也或者還軍之
日更作一柱以告交人若曰爲亂者旣必及家
族容或有之卽若是亦爲誓誠之柱而非分疆
矣新志云欽州之柱乃馬揔所立斯爲近理蓋
此時交人漸不內附也至于茅靡隨斜阪之勢
無足爲異當由下部領之屬創爲此說以愚其

丙部人耳項斯詩云領得賣珠錢還歸銅柱邊看
兒調小象打鼓試新船醉後眠神樹耕時語瘴
烟不逢寒便老相問不知年蓋亦指馬揔柱也

甲午陸行十里過楓門嶺又二十里至欽州峻阪
斗絕舍輿而徒會大雨困甚
乙未行三十里再渡平銀令懲前失多縛筏以待
坦然安流無復戒心又六十里至那暮
丙申行六十里至烏家汛自欽至此皆山險更前

悉平坦矣又四十里止廉州登海角亭山嶺更前
二月丁酉朔行四十里至上窰又三十里至白龍
城明時採珠內監所駐也有城四門內官署及巡
道署廢址猶存于城之東隅皆蕩爲墟莽城亦傾
壞是夕宿于野四無人居張幄以寢夜分有物至
帳外勃窣作聲披帷視之龐然巨虎也方睨櫪止
驟驟未覺圈豕先見之驚啼躍出虎齧之而去
丙戌行三十里至兵辨村又十里至珠場寨明時

設兵以防珠盜者也偕李撫軍張正郎列坐海岸
望海外雲山重疊如畫西卽白龍城東爲調埠寨
又東稍南爲永安所而雷州又在其東舒雁行列
一覽可盡塘兵獻鯨魚雌雄各一十二足色青黑
眼在背上口在腹下

按鯨魚雌嘗負雄獲雄則得雌雌或脫去亦終
就斃矣吳都賦謂之乘鯨是也尾銳而長觸之
能擊刺人在海遇風則舉尾扇之俗呼鯨帆陸

佃埤雅視鴟創施觀鸞掣帆是也韓退之南食
 詩鸞實如惠文骨眼相負行蓋謂鸞實圓細如
 惠文冠所綴珠然也其血蔚藍實可以醢介可
 以杓
 又北行五十里止白水塘荔枝龍日夾道羅生扶
 疎可愛

已亥行二十里至白沙塘為廣西博白縣界蓋兩
 粵地形牙錯廉欽之北皆粵西也又行二十里止

新墟

廉州府屬州一曰欽州縣一曰合浦皆附海元

年畫界自大觀港東歷高坡等境

大樹根蕉子
山白沙岡大

石屯村到滿村乾體村北風岡武刀寨長岐山
 村白龍寨羅九塘三塘西村秋風塘社內村茅
 山塘榕根河大廉下山白石岡入小路香草岡
 山路村轆轤村丹兜村未安所山埔村西山村
 山口
 至新墟為合浦邊邊界以外入海四十里

者曰三馬寮村白屋小村冠田村三十五里者
 顧屋村鴉頭村下白泥屯大山村三十里者鐵

屎嶺高峰崗大崗高範村多養村埔頭村大王
山石板江三墩大腳鑪村石屋村埤頭村黃泥
埔鹽田村施屋村西篤村二十五里者栗木村
黃糯田濃囊村二十里者武馱村船瓦窰橋梁
山田寮村厥塘村崩塘村近埤村楊屋村多顏
村沙尾堆下瓦窰白沙水村大橋村獨江村箔
寮村沈家村梁家村蘇家村田寮大埠村十五
里者龐村地羅村寧海村三家村關井村王屋

塘村龍田村新村力士村那角村十里者許屋
村馬欄村英羅村雷公田葛麻山低崗村譚村
羅茅根村彬伴村囊村獨峰嶺舊塲村龍潭村
龐家村十馬村翁屋村西鹽塲上那隆村黃鏡
村觀井村對達村暨附海八九里至三四里南

樂村等

那壇村水流村大融村謝家村濱地村
瓊山村鵝洗村那格村山心村端寧村

竹根村北班村隴村黃梢村賓逢村南冲村山
口村東江村白沙塘村蛋屋村泉水村竹林村
施家村田頭村西村下塘村冠頭嶺小嶺村吉
車村高德村平洋村軍屯村東梁村田頭村西

梁村山寮村及海中之澗洲皆移并續遷共豁
井村何屋村

田地壹千九十八頃有奇于大觀港諸處因界

設守展界稍復今從乾體營撥守三汛各汛

港把總一兵一百名西江口把總一兵二百名
八字山千總一兵一百名雙墳汛把總一兵一

百名高德千總一兵一百名冠頭嶺十名武刀
港十名白龍港二十名珠場港二十名川江港

二十名榕根二十名英又于廉州營撥守二汛
羅港把總一兵二百名

未安所把總一兵七十名
開口把總一兵三十名 候閑定

永安所城在合浦縣海岸鄉舊在石康縣安仁

里今廢洪武二十七年始遷未樂十年建城城周

四百六十一丈成化五年僉事林錦鑿外池置

串樓四百一十五四門敵樓各八故設遊擊府

于永安所萬曆十八年移于澗洲風毀仍復舊

署而以澗洲為汛地

廉州衛在府治

珠池舊志云一稱珠母海相傳有七曰青鶯曰

斷望曰楊梅曰烏坭曰白沙曰平江曰海渚俱

在冠頭嶺外大海中上下相去約一百八十三里前巡撫陳大科曰白沙海渚二池地圖不載止楊梅等五池又有對樂一池在雷州共六池予訪之士人楊梅池在白龍城之正南少西卽青鶯池平江池在珠場寨前烏坭池在冠頭嶺外斷望池在永安所珠出平江者爲佳烏坭爲下亦不知所謂白沙海渚二池也舊志又載有珠場守池巡司及烏兔凌祿等十七寨而不著

其所自始白龍城亦不載于城池條但言欽廉土不宜穀民用採珠爲生自古以然商賈齎米易珠官司欲得者從商市之而已漢順帝時桂陽太守文龔獻大珠詔却之足知其非常貢至孫吳黃武間改合浦爲珠官郡始有官領採辦之事然權非侈靡之主史稱其時魏主來求雀頭香明珠翡翠鬪鴨長鳴鷄權曰彼所求者於我瓦石耳悉以與之已而魏使又來請以馬易

珠璣瑋瑁權曰此皆孤所不用而可得馬何苦而不聽其交易由是多取以應之其意蓋欲以權變弊敵國如范蠡驕吳故事然厲民已甚難免作俑之譏矣晉平吳交州刺史陶璜請弛其禁民困始蘇自宋迄隋未嘗復設唐雖以珠池名縣官不採取但以利民至僞漢劉鋹始設媚川都于海門鎮募兵能採珠者二千人以索繫石沒水而取之深至五百尺死者甚衆宋開寶

五年王師擒鋹罷之元延祐間置採金銀珠子都提舉司于廣東明洪武初罷未樂洪熙屢飭弛禁罷採至天順四年有鎮守珠池內使譚記奏廉州知府李遜縱部民竊珠下遜詔獄遜亦許記擅殺人奪取民財諸狀上命并逮記鞫問具伏遂錮記而復遜官蓋內臣之遣白龍之署始于此時後遂相沿不廢官旣厲禁小民失業往往去而爲盜或乘大艦厲兵刃聚衆以私採

官法不能禁于是有十七寨之設環海駐兵以守乃守益密而盜益多官兵反藉以爲市其後賊大起如紅頭沙鍋之屬與官兵相格殺前後不可勝計而官採率十數年一舉行餘年皆封池禁斷蓋蚌胎必十餘年而後盈頻取之則細嫩不堪用故也自天順後弘治一採正德一採嘉靖初首尾七載而三遣使得珠遂少至于開採之歲必官治巨艦千餘發重兵以虞變又多

發瀕海丁男十數萬人以備爬螺之用舟入大洋輒以風敗民避役如往棄市所需蓬廠兜羅刀鍤之屬官私勞費不貲而所得甚微不償所費于是撫臣林富疏請罷免許之嘉靖十年富復請撤回內臣略曰合浦縣楊梅青鶯二池海康縣樂民一池俱產蚌珠設有內臣二員看守後樂民之池所產稀少裁革不守止守合浦二池計內臣所用兵役每歲共費千金約十年一

採已費萬金而得珠不直數千金亦安用此請
撤之而兼領于海北道疏上大司馬李承勛力
持之又得永嘉張文忠公爲之主內臣遂撤萬
曆間復詔採珠用撫臣陳大科之言而罷其時
奉行者尤無狀珠船樹內臣旗幟橫行村落鷄
犬靡遺至有姦污婦女者已乃揚帆竟去莫可
究詰按臣李時華欲編船甲以禁之益可怪也
按國語珠可以禦火災則貴之而車旗章服不

用珠璣爲飾禹貢淮夷蠙珠伊尹正四方獻正
南珠璣璫瑁成周王會東越貢蚌蛤亦惟是官
受方物以示王化所及無遠勿届而已安有竭
天地之藏專小民之利以充下陳之玩好而可
以爲國政之常耶至于中璫銜命爲禍尤烈崇
禎朝用于邊境馴以致亂又不獨珠池爲然也
聖代龍興不寶異物恭儉之德軼于前古可爲萬世

法云志粹齊大品一表水平心寶金百日當表

南越志珠有九品一邊水平似覆釜者曰璫珠
其次爲走珠又次爲滑珠又次爲官兩珠又次
爲稅珠又次爲苕苻珠南方草木狀凡採珠常
以三月必祈禱而往否則風攪海或大魚在蚌
左右菽園雜記蛋人採珠以大船環池石懸大
絙別用小繩繫諸蛋腰沒水拾蚌置竹籃中撼
絙則舶人汲取蛋緣大絙上不幸遇惡魚血一
縷浮水面已飽魚腹矣陳大科曰冠頭嶺蛟龍

水怪之所窟腰絙採珠者多不返故池名曰斷
望珠產于澄潭深淵人跡不至之處古所謂水
圓折則多珠是也近沙淺水蚌多空殼每剖一
二斗所得不過如粟小珠數十粒而已今法木
柱板口兩角墜石用山麻繩絞作兜如囊狀謂
之螺筐繫船兩旁乘風行舟兜重則蚌滿矣此
法較沒取爲便予詢土人云每大風起蚌浮沙
面探之甚易惟無風時蚌在池中須人取之此

蓋村民無知之說卽大科所謂淺水如粟之珠也今蚌殼狼藉水涯形三角廣不盈寸蓋皆村民所剖云
嶺表錄異云廉州邊海有洲島島上有大池謂之珠池每歲刺史監珠戶採珠以貢人疑池底與海通池水乃淡此不可測熊太古冀越錄云嘗見蛋人入海取得珠子樹數擔其樹狀如柳枝蚌生于樹不可上下樹生于石蛋人鑿石取

之右二說志所無見本草綱目格古論云蚌聞雷則瘵瘦其孕珠如懷孕故曰珠胎中秋無月則蚌無胎左思賦云蚌蛤珠胎與月盈虧水經注牢水出交州合浦郡郡不產穀多採珠寶前政煩苛珠徙交趾會稽孟伯周爲守有惠化去珠復還蓋珠池實有異晉咸安間合浦人採珠得佛光燄先是丹陽尹高悝行張侯橋浦得金阿育王像無跣座與光燄經一歲臨海漁

人得跌座于海口至是復得光燄三相會合宛
然如一蓋三十年矣後有西域僧五人詣惺言
昔造像送鄴遇亂埋河邊不意乃在此因拜伏
流涕是夕像放光燭殿宇土人云珠海嘗有光
有珠母老蚌也偶入網中其船必覆嘉靖中以
中官擾害對樂一池全徙楊二亂時羣蚌夜飛
空中的樂如星盡入交阯界云
潤洲在海中去遂溪西南海程可二百里
新志云在

郡城東南
十里誤

周七十里

或曰
百里

內有八村人多田少

皆以賈海爲生昔有野馬渡此亦名馬渡有石
室如鼓形榴木杖倚著石壁採珠人嘗致祭焉
古名大蓬萊有溫泉黑泥可浣衣使白如雪前
爲蛇洋洲周四十里上有蛇洋山亦名小蓬萊
遠望如蛇走故名二洲之上各有山阜縹緲煙
波間可望不可登其間居民因珠盜充斥盡徙
內地萬曆初移廣海遊擊將戰艦三十以戍之

十四年有侯遊擊者憚其險遠請分所將戰艦
爲二自統其半駐永安餘使其屬統之守濱澁
雷州府同知徐學周建議駁之曰將心也卒手
足也謂心與手足可異處乎濶洲絕險故不可
撤備濱澁密邇珠池彼所以求駐者意在盜珠
耳議上侯遊擊之請格不行十七年定設濶洲
遊擊一員兵一千六百六名戰船四十九分五
哨駐守十八年治遊擊署于濶洲尋爲風毀二

十年卒徙永安而以濶洲爲信地自海安所歷
白鴿海門樂民乾體至龍門港皆其遊哨所及
也三十六年倭船二百寇欽州有濶洲中軍祝
國泰者餘姚人起家武進士方戍龍門率百戶
孔榕迎敵力戰死立廟洲上以祀遷界時地久
虛今不開

庚子行五十里至青平營又六十里至龍灣一名
龍頭沙石城令白玠云龍頭沙乃石城西南境與

合浦之永安所相望二地皆羸出海外而龍頭稍縮東邨在其右三墩烏兔在其左若急水砲臺乃因內河通海而設非邊地也

高雷二郡地如舌吐海中雷屬之徐聞縣最在南舌端也稍北爲雷州府治而海康附郭又北爲遂溪縣二縣之地皆橫貫乎二垂綿亘一百六十里西抵廉海東抵廣海舌之腰也遂溪又北爲高州府其地亦貫二垂如舌之本所屬石

城爲西境抵廉海吳川電白爲東境抵廣海故畫界之序合浦之後繼以石城爲高之西境又次遂溪又次海康爲二縣之西境又次徐聞而徐聞之後又繼以海康遂溪爲二縣之東境而吳川電白又繼之焉元年畫界自新墟而東歷樟木岡等境高橋岡鷄公嶺竹山仔村那里坡深田崗博教岡急水村過河暗鋪村麻水至赤冷營屬遂溪本境之爲石城邊邊村北坑接壤也後倣此界以外距海二十里者爲深田村十五里者長

坡村石狗村十里者竹頭田下嶺村及附海八

里至三里松明祿地村等馬埔村三墩村窯頭村博教村下洋村東

村那腮村凌皆移并續遷共豁田地二百五十

二頃有奇于急水河口諸處因界設守展界稍

復今從石城營撥守急水諸汛急水砲臺千總一兵四十六名

東村臺十名龍頭沙十名烏兔臺十名三墩臺十名侯閱定又太倉關而

石城所在邑治

辛丑行七十里抵遂溪雷州遊擊李嗣弼曰雷州

形勢白鴿寨東接硎讀曰洲大洋為東偏之門戶

樂民所西接廉州大洋與永安所相望西偏之門

戶也而海康諸所在其內

壬寅行七十里次城月驛其地山圍四面中抵處

如月故以各地蒸濕多穢氣必蕪香以亂其臭因

讀白樂天送客遊嶺南詩有云菴鬱三光晦溫燉

四氣勻陰晴變寒暑昏曉錯星辰又云不凍貪泉

暖無霜毒草春雲烟蟒蛇氣刀劍鱷魚鱗真實錄

大皇

也李忠定于此別僧琮嘗作詩贈之

癸卯次雷州府署

甲辰恭遇

太皇太后萬壽節卽行館率諸臣行慶賀禮

乙巳從間道西南行一百里至扶茂村仄徑巉嶽

人烟寥絕

丙午從榛棘中行四十里抵家山遇六麋射得其

一以充午膳家山者雷西南之要扼也其下有流

沙港由西海入岸南爲青桐徐聞所轄也岸北爲

流沙海康所轄也今爲兩砲臺縮轂其口登山而

望正西有小山青石嶙峋房叅嶺也西北有城雉

堞參差海康所也大海之西烟雲杳靄中防城在

焉流沙青桐相去八里別有鶯脰港在青桐臺下

青桐南十里爲石馬臺八燈港出其下又南二十

里爲白盤臺東塲港出其下又南二十里漸折而

東爲包西港新地灣東塲臺在其內此雷州之西

南隅也自流沙以北二十里爲英翎臺又十里爲
總墩墩又十五里爲房叅臺房叅港出其下又北
二十里爲徒房墩又二十里爲郎斗墩又二十里
爲吳蓬墩海康港出其下又北三十里爲博袍墩
又十里爲洪排臺洪排營在其內距海康所四十
里又北二十里爲調建墩屬樂民所更北歷羊蹄
臺下落港爲文體港東距遂溪縣八十里自文體
臺更北卽接石城矣諸港惟流沙港最深廣長七

十里其次海康港長三十里皆可泊舟是夕仍返
扶茂宿

元年畫界自赤冷營歷文體上坡等境

八山下坡河頭

營新屯村助龍坡浩發坡調流坡墟坡北坡平
湖坡坎頭坡調樓坡田濟坡田頭坡山裏坡西
坡後湖頭東坡英龍後坡林邊塘
後坡上羅西坡錦前坡新安坡
爲遂溪西邊邊界以外距海十二里者石井村

乾畱村大墩村十里者官長村石頭坑村文體
上下村合斜村曲阨村同繩村及附海八里至

一里塘飯村等

周家村羊蹄埠村調樓村甘網村攬贊村邁特村傅處村草潭

村譚神村坑尾村坎頭村抱金村卜裏村調神

村小子村邦那村林顯村墩民村襖郎村埠頭

村北竈村調暨樂民所皆移自蔣家後坡歷土

流村黎村田西後坡山內坡英函坡北懷坡至

樂坡等境溫堂嶺翔肥坡北和坡鳥坎坡

那渡邊為海康西邊邊界以外距海十五里者

為英風村十里者那靈村娘麓村賞村草錯村

金竹村麻亭村長欖村烟樓村油河村翔肥村

及附海八里至二三里西山村等譚斗村英嶺村鹽竈村調

黎村藤蘿村陳家村博袍村房叅村長洋村周

家村白墓村蘇惡村北合大馮村洪排村調候

村內郎村郎斗村陳暨海康所皆移二縣頃于

鐵村田銀村傍盤村

海康青桐二河口因界設守展界稍復今從雷

州營撥守樂民海康諸汛樂民所守備一千總一兵八十七名對樂

墩五名田頭墩五名調神臺五名牛寮墩五名

博里墩五名抱金墩五名官場臺五名調建臺

五名調建墩五名博袍墩五名海康所千總一

兵五十名吳蓬墩五名郎斗墩五名徒房墩五

名房叅臺五名總埃墩五名英嶺臺五名青桐

臺十三名流沙臺千總一兵三十名文體臺把

總一兵三十二名羊脚臺候閱定

海康所在海康縣九都灣蓬村樂民所在遂溪縣八都蠶村皆洪武二十七年安陸侯吳傑築按沿海設立衛所之議始于花茂茂巢縣人洪武初勦平廣東諸徭蠻有功陞都指揮同知上言廣屬逋逃蛋戶附居海島遇官軍則稱捕魚遇番賊則同爲寇請徙其人爲兵庶革前患又奏添設沿海依山碣石等二十四衛所城池收集海民隱料無藉爲軍仍於要害山口海汊立

堡撥軍屯守皆從之茂以洪武三十年卒于鎮命其子英護柩還京賜葬安德門外建祠于牛

首山

是日張正郎奉委閱樂民所回言樂民所距海十里距府治一百二十里西有樂民港海口廣二三十里可泊大船其地有沙洲城登之可見大海稍南三十里調神灣又南三十里博里港可泊船又南三十里官塲港船嘗于此避風

雷州衛在府治嘗于北城風

三橫山堡在遂溪西北八十里今不設守有橫山

里江流出廣西經樂民所越登太民良大

里調樓山枕海高十丈產榛木可療饑因五色雲

其現若樓臺故名地圖樂民所有調樓營在遷界

外志言在遂溪東北一百二十里誤當作西北

博袍水出博袍山山高五十丈相傳有神光射

天在海康西十里有墩

途傍水流通東渡入擎雷水因旁有徑路故名

訛為徒房

英嶺臺或作英翎疑即英靈村也相傳陳大建

間雷出于此英靈顯異故名

邵洲在海康西南一百十里海中民多邵姓似久

廢

卯洲在海西南海中鳥多伏卵于上船過或取

下卵其鳥千萬飛隨十里始返

丁未返雷治訪城西羅湖十賢堂故蹟

羅湖一名西湖堂在其上卽寇萊公祠之後爲
宋咸淳九年郡守虞應龍建文信國爲之記云
寇萊公準以司戶至丁晉公謂以崖州司戶至
學士蘇軾正字任伯雨以渡海至門下侍郎蘇
轍以散官至秦觀以蘇門下至樞密王巖叟雖
未嘗至而追授別駕猶之至也未幾章惇亦至
其後丞相趙鼎李綱叅政李光編脩胡銓皆由

是之瓊之萬之儋之崖邪正勝負世道與之爲
軒輊虞侯來黜丁氏章氏而列萊公以至澹菴
凡十賢爲此堂按準少夢至海濱作詩有到海
只十里過山幾萬重之句及至雷閱地圖見郡
東門抵海崖果十里始大驚嘆以爲得喪非偶
然今雙溪臺海口卽其處也又有瑞星池以準
所居常有星墜而得名有萊泉以準常飲英靈
村水而甘之故名軾轍兄弟同時貶謫相遇于

藤渡海作詩相示轍生日軾以海南黃子杖貽
之作詩云靈壽扶孔光菊潭飲伯始雖云閑草
木豈樂蒙此恥一時偶收用千載相瘢痕海南
無佳植野果名黃子堅瘦多節目天材任操倚
嗟我始剪裁世用或緣此貴從老夫手任配先
生几相從歸故山不媿仙人把風骨矯矯至今
芬人齒頰也乃準爲丁謂所擠而謂亦尋至家
人競欲報讐準不能禁惟令縱飲博以須其過

天謂得以僅免轍見貶時章惇勅雷部無敢舍流
人賴郡人吳國鑑者爲之居停後惇至雷人以
前令語之惇俯仰慙恨至誦商鞅之語以自咎
里二事差足快也前乎十賢有李北海邕李贊皇
高德裕皆人傑至萬曆間予鄉人沈公思孝以比
部郎抗論張居正奪情謫神電而莆田戴公士
衡以給事請建儲忤旨謫合浦兩公貶所皆接
壤好事者能陳蕉荔之奠而躋之座未當必爲

文山所許也而宋世又有蔡攸馬自強可以追
配丁章并志之以佐一噓合前兩公說以證其
石學士吳制院至自瓊州會于雷館石學士曰自
海安所渡海八十里卽抵瓊之海口所距府治十
里瓊城周八里東西南皆有門北無門各鎮兵衛
甚設飲蘇學士所濬浮粟泉而還歸遇暴風幾困
一大魚長數十丈昂首張鬣迎船來口吐黑霧半
天爲昏十里外猶見之

按彛堅志趙鼎貶珠崖桂帥張淵遣使致饋自
雷州浮海風力甚勁顧見海濤中紅旗相逐而
下使者疑爲海寇舟人搖手令勿語急入舟被
髮持刃出篷背立割其股血滴水中凡經二時
東乃相賀曰更生因言此巨鱗也紅旗者鱗鬣耳
然則學士所見猶海族之小者子瞻從徐聞渡
海亦由此道賦詩有九死南荒吾不恨茲遊奇
絕冠平生之句自是而後少明聞翁聞賦彛云

石學士吳制院之自瓊而返也即閱徐聞錦囊云
徐聞在雷州正南一百八十里自徐聞東南行二
十里為海安所下有港行十里出港口即大洋又
東為錦囊所城東有港小舟行十里出大洋有新
芋島此港又可通通明白鶴寨

元年畫界自那渡邊歷新地墩等境

麻豐墩麻鞋墩討網

墩三墩齋崙墩踏磊墩海安港小水橋白沙田
博平村博沙嶺調黎坡博蠟埃殷蘆邊縣南門
牛牯嶺崙頭村山園橋錦囊所赤
嶺南陳坡崙塘坡墓前嶺田心洋至牛克墓為

徐聞邊邊界以外諸村村名及海安所新芋島

俱移并續遷共豁田地一千一百一十一頃有

奇于錦囊海安諸口因界設守展界稍復今從

徐聞營撥守討網諸汛討網十名東場臺千總
一兵三十名白盤臺十

名石馬海安營撥守三墩諸汛三墩五十一名
那黃墩五名西

名紅坎墩五名白沙墩五十一名青灣墩五名

雷州營撥守錦囊諸汛錦囊所守備一把總一
兵一百名博平五名博

餘臺把總一兵二十名博臘墩五名鹽井臺五
名調黎臺十名黃塘墩五名牛牯臺十名石頭

墩五名調嶺臺五名大臨墩五
名赤尾墩五名臨沈墩五名 侯閱定

海安所在博漲村錦囊所在二十八都新安村
俱洪武二十七年吳傑築城錦囊之名不知所
始方輿勝覽載上庠錄云寇準貶雷州帝賜手
勅丁謂屬中使以錦囊貯劍欲讐準使自裁準
方在驛從容曰天子賜大臣死願見詔書卽脫
從事綠衫以迎詔中使之詐遂窮疑因此以錦
囊名其地而所名因之海安所天順間常爲邑

治弘治間復舊只知大收其去時日
討網村宋爲邑治元至正二十八年遷于賓朴
卽今治

冠頭嶺縣東南三十里遠望如冠
廉州又有冠頭嶺此則張

岳所云海道踏磊有觀濤嶺周一里登之可望
可通交趾者

渡口
石馬井在縣東五里相傳有馬食田禾追之入
井中但見有石如馬遂號石馬井一村藉以溉

田中...
三墩在城南二十里突起海中號小蓬山中墩
有古樹甚怪下有龍王廟禱雨者詣之前有穴
名龍泉取得淡水則雨立至由此渡海四百餘
里乃至瓊州海隅有千步香葉似杜若而紅碧
間雜佩之聞十數里故名海中有鷄子魚肉翅
無鱗尾尖而長有風濤則乘風飛于海上又有
天牛魚方圓三尺眼大如斗在髀口在脇中露

雷齒無唇肉角如臂兩翼長六尺尾長五尺能上
岸與牛鬪角軟還入海中堅則復出又有海境
亦名海月土人呼爲膏藥兩斤合以成形殼瑩
滑如雲母內有小肉腹中蟹子小頭黃螯時出
覓食蟹飽亦飽或迫以火蟹出海鏡立斃或生
剖之蟹子尚活逡巡亦斃卽海賦所云瑣瑁腹
蟹也

青灣港在城東南三十里宋韓琦曾孫貶瓊南

携三子畱二子家于白沙後葬青灣七世孫顯甫刊戒子詩于墓側

新芋島在錦囊所港外中有村落七八處民戶三百餘長三十餘里廣五里近岸狹處可一里按志載漉洲崛起海中周五十餘里田地腴美盛產荷花博袍西流入海經于洲南疑卽此島也

雷州東門邪徑三十里渡通明河至白鶴寨寨有

城周二里雷郡東北隅門戶也東海島在其東自寨而南十里爲北家港又南十里有舊砲臺距海一里許又南十里爲雙溪砲臺距海五里許而雙溪營又在其內十五里自雙溪臺又南二十里爲溪泊港又二十里爲淡水港又二十里爲調嶺港又十里爲吳家港又十里卽錦囊所矣自寨而北十里爲北品港又二十里爲庫竹港又二十里爲舊縣遂溪故治所也又北十里爲北月港又北十

里為海頭砲臺接吳川境矣諸港惟雙溪最近府

治港口又向大洋然淤淺不可泊舟獨通明一港

可泊大舟而白鶴據其口遂為重鎮焉

元年畫界自牛克墓歷淡陽坡那黃坡麻黃橋調風坡那奇村

乾塘村橋頭村那頭坡下塘坡那博嶺高牛山溪東村蕭家村黎陳村下嵐村至東洋

村為海康東邊邊界以外附海八里以至三四

里東山村等下塘村高牛村調陳村溪打村俱符村丁村北昌村那頭尾村

移合東西兩境并續遷共豁用地一千二百八

十五頃有奇自東洋村歷仙鳳村等境通明村白鶴寨

芎村小橋村臨海村那涼村南柳村下山村至麻斜渡為遂溪東邊

邊界以外東海島俱移合東西兩境并續遷共

豁田地三千二百六十九頃有奇于麻斜河口

諸處因界設守展界稍復今從雷州營撥守吳

家諸汛吳家墩五名吳家臺十名淡水臺把總一兵三十名調陳墩五名烏石墩五名

東鄉墩五名舊縣臺十五名北月臺十名海頭砲臺把總一兵三十名白鶴營撥

守雙溪諸汛雙溪臺把總兵五十七名寨砲臺兵十七名庫竹臺二十四名芎

村墩
五名 侯閱定

白鶴門明設把總一兵八百四十六名兵船二
十八自赤水港接北津歷限門沙頭洋至海安
所止與潤洲信地相接
舊縣東五里輦輪埠有石枕于海岸長五尺濶
三尺宋嘉定九年天大雷雨龍降其地爪痕在
石如鑿土人謂之龍爬石泉于石上湧出旋爲

潭禱雨輒驗

自東嶺林壘餘風林華築
日島寨
風世林

東海島在遂溪東自北家港至舊縣長七十里
廣二十里或三十里與縣治雖隔海僅若一河
有南北二渡南卽白鶴相距十里許潮退不過
五六里北在舊縣水益狹不過二三里許其地
宜稻且饒魚鹽居民稠密有西坡村大蘭村大
村奄里村那惱村調產村齋頭村鬱律村鹽鑪
村厚皮山村德老村巖頭村坡裏村龍騰上村
龍騰下村調屋村調東村青藍村東山村調倫

村調朗村邁望村吳處村麻坦村北山村調市
村安寧村調羅村十二埔村遂溪東界及海而
止止遷島民而內地不及予至白鶴遷民纍纍
擁馬首泣訴求復故業予以西苑林大蘭林大
上諭通告之皆踊躍去志有思陵島在郡城東十里
海中其上多米豆枝葉如楊柳疑卽是
東頭山又東海之傍島也有調琴村後山村金
家村官寮上下村祿遐村西園村調第村暗祿

村調舊村瑯琊村山頭村內林村三岔村
蔚律嶺志稱在海康東百里蓋卽東海島中之
蔚律村也盡海處屹起十餘仞爲東方巨鎮舟
舶自廣回至汾州洋先見此嶺以爲指歸
調鷄門周圍一百五里隔碇洲僅一水地勢奔
趨赴海如鷄展翅故名

粵閩巡視紀略

經筵講官工部尚書

臣杜臻述

己酉復至遂溪

庚戌行五十里至銅鼓又五十里止唐垵

辛亥行五十里至梅菴鎮閱限門

梅菴鎮南距吳川二十里四面皆水螺旋以入

海南商舶多集於此居民數千家省會之通衢

也萬曆間議設海防同知駐梅菴

高州府領一州五縣四縣並海石城距西海已

見前吳川茂名電白皆距東海而茂名附郭元

年畫界自蔴斜渡歷新塲村

吳村乾塘村木灰村嶺上村過限口

河芷苧村吳川縣治東海村橫山村調列村

至博茂村為吳川邊邊

界以外距海二十里者為下吳村及附海南寨

村等

廣州灣青訓村蔴練村木胃村特呈村暨新溝村鳳輦田頭黃村木歷村地聚村

碇洲俱移并續遷共豁田地七百一十七頃有

奇于限口諸處因界設守展界稍復今從吳川

營撥守蔴斜諸汛

蔴斜把總一兵四十名博立臺十五名茂暉臺十五名限

門港東西烟墩十名岐山臺十名文筆嶺五名東海臺五名

候閱定

限門在吳川邑南三十里納三川之水入于海

三川者一吳川二陵水三羅水吳川源出鑑江

陵水源出廣西北流縣扶來山下羅水出北流

縣峩石下二水合于化州又會吳川于合江渡

吳川縣西一百十里有羅州故址宋檀道濟所

置也三江合流過縣西復分三川旋繞縣南復

身聞文苑新集
合爲一至限門入海水道曲陜值潮退沙磧淺
露或潮滿風急舟楫多阻故名李元暢有限門
賦略云吳川濱海而縣其南三十里有限門焉
納鑑江零洞潭峩諸水放于海門廣盈丈夾磧
對峙如虎牙錯淺流中逶迤而入卽瞿塘之險
不是過每風濤搏激其響如輕雷聞百里瓊雷
碇洲僅隔一衣帶水風勁可一瞬杭之海上有
故此門設半旅可當劍閣一夫也商舶至非購

篙師定檣鳥不敢入稍失道觸淺流中夾磧舟
立瓜碎亦海濱之雄鎮也賦曰登文翁之崔嵬
望南溟其一杯疑巨靈之擘石驂重門之洞開
納三川之積水轟萬古之奔雷挺螺峰以成戟
斷鰲極以爲根限天險以南北通潮汐以往來
其爲狀也斷磧橫絕如環半缺對錯猛牙雙流
積鐵舍形內虛盤紆曲折陰雲結駟以長驅高
浪翻車而無轍或命大鱗而建羽旗或吐晴虹

而安綽楔

云

云

解縉過吳川詩云吳川望海水冥冥萬斛龍驤
一羽輕沙積煮鹽疑皓月潮痕遺貝麗繁星碣
洲夜露金銀氣神電晴嵐鶴鶴鳴玉節南來天
北極安邊歸頌海波平

寧川所在邑治

文筆嶺在邑西南七十里一名特思山其山雲
起卽雨邑人特思而望之故名有唐刺史馮士

翽墓

特呈山在邑南六十里其北有茂暉塲山形秀
聳海中因名城南河畔有極浦亭宋李凌雲隱
處宋亡後丞相陳宜中走占城過此賦詩云顛
風急雨過吳川極浦亭前望遠天有路可通環
嶼外無山堪竝首陽巔嶺雲起際潮初長海月
高時人未眠異日北歸須記取平蕪盡處一峰

圓

出限門一百五十里有碣洲長七十里廣十里
碣字土人讀曰撓宋史作碣洲屹立海中當南
北道乃雷化犬牙處宋景炎三年端宗避元次
此而崩羣臣欲散陸秀夫曰度宗皇帝一子尚
在安置此遂與張世傑復立衛王昺為皇帝年
八歲填海錄云是日午登壇畢還宮御輦所向
有龍拏空而上身首角目俱全暨入室雲陰不
見因改元為祥興升碣洲為翔龍縣有上北村

下北村中村南村遷界俱移今未復

南山渡亦島名在碣洲西北五六里長三十里

廣七八里

自博茂村歷老鷓埔村地金村楊梅村至王村為

茂名邊邊界以外附海八九里至二三里龍秋

諸村那泥村調到村廣潭村牛騎屈村流架村

鳴鼓埔尾排山莊給譚芋條突村條寅村馮村

吉兆村東山村壯酒村橫埔村下楊梅村潭八

村那水村乙勉村籙茅村張要村那餘村鹿嬌
村北千村平河村譚畢村柳雄村白石村羅村

英裔村小那碌村
譚杆村譚進村
俱移并續遷共豁田地肆拾

頃有奇因界設守展界稍復今從高雷總兵營

撥守博茂諸汛
博茂三十三名東港五名譚衢
五名那碌四十名鹿嬌五名西

河五名
候閱定

博茂村以錢博潘茂名二人合取之先是有道

士潘茂名者功成上昇因以名縣貞觀中改潘

州道士嘗入山遇二人奕道士顧謂之曰子亦

識此乎曰入猶蛇竇出似雁行道士笑可其說

因授以服黃精之法縣南二里有茂嶺亦以此

名南越志漢末建安十六年衡毅錢博拒步騭

于高要縣毅投水死博與其屬亡于高涼呂岱

為刺史博因請降遂以為高涼都尉高涼置郡

始此邑之鄉名有上博下博

嶺表錄異云鹿子魚有鹿斑赤黃色羅州圖南

上海有洲每春夏此魚躍出洲化而為鹿曾有人

拾得一魚頭已化鹿尾猶是魚南人云魚化為

鹿魚腥不可食

壬子行六十里至沙苑又六十里過蠶場又三十

里次樹再

癸丑行二十里過電白縣遶城折而西南行十里

至海邊登白蕉墩山特高聳望大洋天水相涵無

復涯矣漁舟出沒隱見如烟中蘅並海多鹽田雪

練皎皎蓮頭放鷄諸山簪列螺浮蒼翠可攬蓮頭

港口在縣南三十里水行止十里由此迤西有博

賀臺去縣三十里水行止二十里又西有赤水港

去縣六十里水行止三十里又西有流水臺去縣

九十里水行百里又西有河口臺去縣三十五里

水行五十里此電白之東南境也赤水蓮頭山後

三港俱可泊舟

元年畫界自王村歷沙苑墟

那花嶺那盧村水東村彭村上下陳

村紅花尾山麻洞村平嵐山白蕉山電白縣治樹仔村孔雀村菜豆山那桴山麻絲村平藍村

下藍至長山為電白邊邊界以外距海十里者

馬鮫頭村白蕉村附海八九里至二三里山後

村等 菜豆村新村上前村藍村佛堂村赤山村

蓮頭村博賀村那尾村新溝南北村橫山

村巷口村大中小紅花村王村蛋場村老蔡村

上山兜村下李村王村仔下山兜村迷村張耀

村下寮村聳岳村新坡村下埠村暗鏡村迷勒

村下潘村海頭村巽村沙沙村聳村大園村

俱移并續遷共豁田地一百二十六頃有奇于

山後河口諸汛因界設守展界稍復今從電白

營撥守流水諸汛 流水九名南海把總一兵二

十八名赤水臺九名沙尾九

名山後臺十四名山後把總

兵三十七名河口臺十名 候閱定

電白縣治即神電衛城也洪武二十七年都指

揮花茂築土城永樂七年甃以磚周一千一百

丈有角樓四敵樓四十正統間燬于猺寇舊縣

在府東北寶山下獅子坡蓋以高州之地東西

北三面皆猺而獅子坡控其咽喉故也景泰間

流賊雲擾成化四年徙縣治入神電衛城隆慶

五年倭犯高雷陷電白及錦囊所城殷制院正

茂檄總戎張元勳駐從化復檄僉事李材許孚

遠分道督兵逐捕材方勦羅旁寇大捷聞有倭
警曰電白與神電同城海北要區也不俟檄至
而先趨之至則會兵合擊俘斬一千七十五員
名高雷悉平
蓮頭山在縣南十里秀若芙蓉四十里有蓮頭
港出奇壁山下北流南接大分洲入海奇壁山
在縣西十五里山色蒼潤如壁故名
寰宇記云海出驂馬尾如牛水犀似牛角似龍

一曰龍鯉又多珠鱉狀如肺四眼六足而吐珠
又有文魮鳥頭魚尾鳴如磬而生玉述異記云
海中有鮫人不廢機織其眼淚則出珠南越志
有君魚長一尺背骨如刀逢諸小魚及龜腹皆

破之四十里自白浪
甲寅行四十里至儒崗又六十里止太平驛

乙卯行七十里止樂安
舊營名屬陽江又四十里過麻橋

河又十五里止陽江登武

丙辰偕諸公自陽江登舟行三十里至北津寨寨
因山爲城登之可以遠眺有兩砲臺一曰南津與
北津對峙夾海口而海陵島在其前自陽江並海
西南行四十里有白鹿疏稱北棗砲臺又十里有豐頭
港自陽江至豐頭陸行則甚遠爲途一百里而水
行邪徑止四十里自豐頭又西南五十里爲雙魚
所又二十里爲白額疏稱北額港此陽江西接電白之
境也自北津東南三十里爲三汊港與陽江邪徑

相距六十里自三汊港又東至海朗所四十里此
陽江東接廣海之境也

肇慶府屬州一縣十惟陽江一縣並海而恩平
開平二縣亦與內海相通元年畫界自長山屬陽

江歷鋪戶仔山樓坑嶺崩牛山蒲山嶺雙魚所

澁田村丹朗村小那羅村過河北祿岡坪岡村
南落山那洞村山尾村過河北津山潮浦山爛
頭山那伏山花村鳳凰山那至長逕紫羅逕口
潭洞村合掌山官山蔡背村

爲陽江邊邊界以外距海十五里瓦邵平嵐十

里赤萋舊場餘附海八九里至一二里允泊雙

門等

梁棟東平海朗新海朗北政西平壠平舊場石橋合浦鑪背山麻洞潮浦鑪仔大溝

舊場白沙三义新寨勝塘及海陵島俱移并續

西塘北環口洋烟樓區村遷共豁田地三千一百六頃有奇于北棗雙魚

諸汛因界設守展界稍復今從春江營撥守北

額諸汛

北額十名雙魚所守備一兵九十名豐頭把總一兵三十六名程村把總一兵

三十九名平岡千總一兵五十三名北棗把總一兵三十九名北津千總一兵五十九名三汊

十名候閱定

北津山高二十餘丈自東沿海偶旅而來外扞

奔潮內衛村陌邑之外藩也上有望海亭夾口

對峙者曰南津山亦並海而西數里方止流其

中者為漢陽江源出古銅陵縣浮雲山南流至

陽春縣會羅鳳石碌諸水經南恩舊城蓮塘河

鼉江注之蓮塘河源出琨水經尖山合于鼉江

鼉江東派至獨洲都為潭世傳有龍潛因名龍

濤又名鼉江同至北津港門入海兩津之間有

獨石高十餘丈圍四十餘丈出海口二里許其
下深不測萬曆二年倭陷雙魚總督侍郎殷正
茂檄總兵張元勳副使趙可懷自新會發嶺西
道劉志伊僉事石盤自肇慶發叅將梁守愚先
至陽江衆議賊已舍舟必逸內地當設伏以待
之已而賊果奔儒崗官兵遮擊于藍水施村大
敗之俘斬八百一十二級復有餘倭自白額港
登岸屯聚望夫坪石諸處官兵擊殲之餘黨悉

平萬曆四年總督凌雲翼奏立北津寨寨設船
三十四官兵九百七十六員名自芒洲娘澳接
廣海汛地歷海陵放鷄蓮頭至吳川赤水港止
與白鴿汛地相接
雙魚所城在陽江洪武二十七年指揮花茂建
周四百八十丈萬曆二年倭陷城署燬三年重
修
海朗所在陽江縣東南花茂建周八百五十丈

鳳凰山高百餘丈周二十里一名北甘山壁立千仞有瀑飛下猿猴不能至相傳鳳凰巢其上遇大風雨嘗墮如雀而足稍短截其嘴為鳳凰杯蓋鶻雀之類

望夫山在白石都接電白縣界高四百餘丈周四百餘里上有石如人引領狀傍有丫髻石

海陵島自北津寨渡海三十里長八十里廣四十里自平岡渡直過止十里舊志云海陵山高

三百丈周二百里列為數峰上有盤石非人力可致而螺殼相粘舊名羅洲又名羅島圖經云海中有魚五月五日夜悉登岸化為鹿其中峰為牟黃山東為平章山下有平章港受海陵漲潦以達于海西南為馬鞍山山下為戩船澳西北為鴉洲山海陵巡檢居之宋史載末帝昺既亡張世傑將之安南舟抵平章港口颶風大作或勸世傑登岸世傑取辦香登舵樓祝曰吾為

趙氏亦至矣一君亡復立一君今又亡其所以
未死者庶幾別求趙氏立之以存宋祀天若不
欲吾復趙氏則覆吾舟舟遂覆世傑溺焉相傳
世傑死軍士得其屍焚化函骨葬于平章山下
或謂葬處在潮居里赤坎村而邑無潮居里惟
邑東有赤坎村亦不在此山下弘治己未知縣
柯昌大封赤坎村墓陳獻章作詩紀之王佐以
爲潮居里赤坎村皆在香山此陽江之冢乃疑

冢也存之俟考其聚落有長沙村石潭羊蠓村
麻錦鷄頭村丹朗村那賴村高田村那黃村那
羅軍寨北祿村新寨施村牛屎埠陳豹仔北寮
村郎下藍袍白水宮花崩溪村那販望山梁村
馬村下洞南涌門旱洞仔白石板河墩頭苦草
雙貫白沙馬洞坑朗角浦山村南寶樓坑石門
後湖梁康舊塲在版籍爲壽文白石二都元年
遷移今復

丁巳行六十里至蓮塘又三十里止那龍為恩平

縣界

戊午大雨行四十里至占村又十里過那扶營多

鹽田又三十里次鎮安屯

志屬恩平

周繚以垣垣外有

溪遠之居民數百家屬開平縣界

三年續遷恩平縣共豁田地七百五頃有奇開

平縣共豁田地一百九十九頃有奇

邊界村名不具述

恩平縣明初無成化二年僉事陶魯立恩平堡

築城周二百二十五丈設巡司十六年建為縣

崇禎十二年知縣王屏以山水不利更築新城

于黃河萌

疑是萌字

周四百丈未及徙國朝順治

十一年舊城為土寇王興焚毀官吏寄居凹頭

始葺新城以居焉

故有那龍營

開平縣崇禎十七年開設舊為開平屯堡城止

二門康熙四年知縣高子翼名其東門曰紫來

南門曰常平而那扶又屬廣州之新寧蓋犬牙

相錯也

己未大雨行四十里至白沙又六十里止新寧
庚申行十五里登舟又五十里止長沙閱廣海衛
寨城南面即大海遶城而東廣二十里夾海口有
二砲臺西曰長沙距那扶營海程百五十里東曰
烽火距元頭山海程八十里廣海陽江之界有香
山口廣二十里

廣州府領州一縣十五附外海之縣五曰新寧

新會香山東莞新安游波內注復有三縣臨其

崖曰順德番禺南海元年畫界自長逕紫邏徑

口歷團魚逕

象山院頭松嶺虎山陡門過河橫山奇猷鬼岡烟岡文村柴格村奇

頭岡海晏街大芰荷村那馬村石角山沙爛山
小村上弓嶺荷木逕雙門山廣海衛過河廟後
村窰冲山田頭村冲金村南村東坑村曲岡至
村白石村過河龍潭濠古蘿村頭山圓山

將軍山為新寧邊邊界以外距海十五里者有

幕赤企深灣曹涌十里石井那骨以至附海五

里銅鼓村等

大麻村小麻村楊梅長沙莆草蛋行村亞公山夏春塲望頭村祐村

沙橋村高明角紅花蒟土岡那及上川山下川
要村北里村北里村北泊村

山蟒洲諸海島俱移并續遷共豁田地一千七

百六十二頃有奇于廣海斗門諸口因界設守

今從那扶營撥守泗門等汛泗門港把總一兵
三十五名陡門港

把總一兵廣海營撥守圓山等汛圓山三十名
上洋坑四十

六十名名烏石岡六十名都斛汛千總一兵一百四十
名上閣汛二十名山背汛二十名長沙汛兵二

十名烽火角二十名荷木逕二十名海晏把總
一兵一百名烽火角口把總一兵四十名白蕉

灣四十名潭
濬口四十名候閱定

廣海衛城本為新會縣禔洲巡檢司洪武間指

揮花茂奏遷巡檢司于望頭鎮以其地建置衛

城周九百三十二丈弘治十一年設新寧縣而

衛城亦割隸焉明設守備一兵船二十八兵三

百三十五名自三角洲接南頭汛地起至芒洲

娘澳與北津相接隆慶四年倭從海晏雙門寇

廣海陷之指揮王楨鎮撫周秉唐百戶何蘭戰

死

上川山在衛南海程五十里長二十五里廣二十里有石筍村北坑村西坑村茶灣村高觀村鮎魚村山多香蠟林木今有徭人居之徭官主其征稅徭人宗族在新寧之那仗寨上川之左曰大金門海右曰小金門海皆在海晏都

下川山與上川對峙在衛西南海程六十里長三十里廣二十里有牙灣村野牛塘南澳村水洋村南洋村淡水坑塔邊村上步村下步村葫

蘆灣荔枝灣有新寧人居之洪武四年海寇鍾福全李夫人等自稱總兵挾倭船二百寇海晏下川廣州左衛指揮楊景追捕至陽江平之

黃金門在衛南海程五十里周二十里

五主島在衛東南海程六十里周三十餘里

蟒洲島在衛西南海程七十里長十五里廣十

里

大脾海產苗蝦鱧白赤魚東南逕銅鼓山風濤

觸石有聲曰銅鼓海產多龜鼈紫菜鹿角菜其西南爲番舶往來之衝曰寨門海

紫霞海在邑西八里其上有紫霞山時出雲霞與水相映行舟多泊于此十里風三十餘里

辛酉行七十里泊新會閱厓門厓門去縣六十里

又十里爲長沙汛虎臀去縣四十五里獨子山白

石嶺皆其分汛

元年畫界自將軍山歷厓門口逕口山百足嶺那仗村獨子山

大涌口山東鄉村長洲沙大九尾大楊瀝子沙泥岳三沙口麻園石洲沙橋并州沙橫海沙瀝

口過河至古鎮爲新會邊邊界以外傳海二三

里沙堆村等獨洲村大灣村梅灣村沙角村及新村梅角村長沙村鬼叫村

崖門島俱移并續遷共豁田地二千四百四十

八頃有奇于古鎮瀝口崖門諸汛因界設守展

界稍復今從新會營撥守長沙諸汛長沙把總一兵七十

名厓門東西砲臺千總一兵六十四名石嶺五名獨子山五名虎臀千總一兵五十名虎坑二

十八名崖口候閱定

厓門山在大海中潮汐之所出入也高四十二丈周八十一里與奇山相對中有港門可以藏舟宋景炎三年端宗崩于碭州衛王昺卽皇帝位改元祥興六月帝舟次崖門造軍屋千間行宮三十間正殿曰慈元以奉楊太后二年正月元張弘範李恒兵至崖山張世傑悉毀行朝連大舟千餘爲一字陣奉帝居其間二月弘範命恒等守崖分四軍夾攻世傑苦戰俄有一軍檣

旗仆餘旗皆仆宋師潰世傑與蘇劉義等斷維以十六舟奉楊太后遁去陸秀夫赴帝舟帝舟大且諸舟環結不可動乃盡驅妻子入海朝服抱帝俱投海中後宮妃嬪及翰林學士劉鼎孫兵部侍郎茅湘吏部趙樵樞密高桂等多從死越七日尸浮出海十餘萬時帝舟一白鷗哀鳴良久亦墜水死世傑奉楊太后還崖山太后赴海崩世傑收葬于崖山今崖山有楊太后陵又

有端宗永福陵卽帝昺嗣位後所奉安也按行
朝錄填海錄俱云端宗葬崖山惟野史云葬于
亂山民爲之諱其處至舊志云壽星塘側有陵
迹五處則又在香山蓋馬南寶築疑陵也又有
宋太后陵在香山梅花水坡上一在墳頭岡而
元文類稱李恒追世傑至高州獲昺尸還報亦
與志異

見舊志
事紀

成化間僉事陶魯建大忠祠于

崖山祀文信國陸侍郎張樞密三人知縣丁積

割廢寺田二頃以供祀事以趙權伍隆起子孫
守之弘治中右布政劉大夏奏入祀典徐僉事
建全節廟于大忠祠後嘉靖中知縣何廷仁建
忠義壇于廟門外祀宋元時死義將士伍隆起
者從與張弘範戰死陸秀夫刻木爲首以葬之
今新寧西四里黃牛推車山有宋義士伍隆起
墓

奇石山志不載但云與厓山相對有湯餅山陳

獻章詩云北風吹浪卷滄溟杖屨船頭候曉晴
滿路寒雲吹不散一帆細雨濕湯餅

崖山有大沙村舊設沙村巡檢司
長沙村舊設沙岡巡檢司距崖門海程十里陸
路五里與廣海衛相對而近新寧之百峰山爲
會寧開恩四邑接壤之地康熙二十年設把總
戍之百峰山層巒疊嶂不可紀湯餅獅子皆其
支隴故有百峰之名有板潭雲禱輒應

宋元熙六年置新會郡治盆允隋改允州今新
寧界外有允泊村猶其遺蹟也

將軍山在邑西三十三里自潮陽都趨向流水
與雙門逕山相接

熊子山在邑南二十一里大海中有四名曰鼠
熊曰馬鞍熊曰東熊曰長熊熊當作能音若那
鼈三足也又有紫水入于熊海宋皇祐間水忽
變紫色故以爲名

鬱水自番禺分流至縣東爲江門陳徵君獻章所居也有碧玉樓嘉會樓閩人林應驄題詩云令伯可能忘菽水漢家終不屈羊裘至今傳誦又有釣臺卽付吳聘君與弼者也其流逕縣滘入于熊海東趨香山爲小梁海西自蜺岡至崖門入于牂牁爲南海汪廣洋詩云牂牁流水碧潺潺潮落潮生草木閒一片海雲吹不起越人遙指是崖山

癸巳行海程兩日泊香山

失記里數

甲午登陸自縣東南行山脊百里至前山寨左右

皆臨斗絕之坡中一徑僅數尺止容昇輿頗稱艱

險又二十里至舉門宿市舉中繼行嶺臺不遠

乙未登舉中兩砲臺曠覽海南形勝蓋香山一邑

位廣省之正南環通四潮島嶼森拱而舉門一鎮

又在前山寨之南一名濠鏡舉亦曰香山舉形如

靈芝廣二十里長半之正北一石埂貫大海而屬

于前山寨廣十餘丈長六里如芝之有莖梗與寨相屬處築關守之曰鬼子關啓閉有節島中居人皆番彝約千餘家土人有非時闌出者關吏呵止之彝亦不得輒入焉然魯人食糧皆仰給內地土人常纏負至關前與爲市魯中雖有砲臺不設戍兵彝自爲守彝所恃者砲東曰大砲臺列砲二十六最大者一重萬斤少次者一重九千七百斤又次十五各重五千斤又次五各重四千七百斤最

小者三各重四千五百斤西曰汪洋砲臺列砲十有一大者六各重五千斤次者二各重四千五百斤小者三各重三千八百斤賊在數十里外用遠鏡登臺矚之帆檣兵械甲裝服色毫髮畢照舉砲一擊皆糜碎矣以此無敢近者自有海寇以來魯門無失事康熙八年議斤逐諸彝卒亦不果至今安居如故自魯而南海程十里爲十字門山如兩眉橫列而闕其正中又南十里爲小橫琴適當缺

口又南稍西爲大橫琴重案也自嶧而西海程二十里爲三竈島又西二十里爲黃梁都自嶧而東海程三十里爲涌口又二十里爲旗纛澳又有蒸門黃角潭洲村諸島在嶧之東北而沙尾北山在其北止隔一水諸島雖爲省會之案砂而周羅環匝嶧門獨居其中如蓮之有葇亦一奇也是日又閱黃梁都穿虎穴夜行二十里宿翠微村是處虎特暴悍能登人屋極裂椽以入破壁而出居人皆

以鐵櫪爲門關嚴設警備猶惴惴不保云
丙申行五十里踰逕嶺嶺甚峻千崖聳列中通一逕旋折如絲憑高下視山麓皆在雲中也午刻抵縣登舟邑諸生黃達卿來謁貽先集四種乃其祖少詹名佐者所著也佐博通羣籍又諳南越掌故嘗爲省志至今重之

元年畫界自古鎮歷觀音山

鷄頭山赤金山疊石山竹仔林曲涌

後岡大湖洲山凹泥埔鹿鳴山深灣村王母山小猴子山空隍山馬騮山楓門坳石塘村茶頭

岡穀園山涌角長沙埔界田心墟翠微村三竈
背村北山前山寨白石山吉大村關開口南坑
山濠潭村黃坑山金口山麻園山神前嶺大沙
岡後龍山東岬山鹽田村企石山下田村龍穴
頭村獅子村麻子村東州
門獨子山潭洲山黃角山
至小虎山為香山邊
邊界以外黃梁都沙尾村北山嶺旗纛澳橫琴
山等諸海島皆移并續遷共豁田地四千一十
七頃有奇于前山諸汛因界設守展界稍復今
從香山營撥守深灣諸汛
深灣把總一兵三十
名麻子埔十名白石
汛五名石塘汛五名茅灣臺十名秋風角十名
沙尾三十名平頂山十名角頭山十名涌口門

把總一兵四十名水洲山十名關開把總一兵
二十一
名北山嶺五名吉大臺十名鷄拍臺十
名
候閱定

阮詠縣治記云香山環海孤嶼昔為東莞之一
鎮宋元豐建為縣繚以土垣號曰鐵城但設寨
官即所謂金斗鹽塲也初治七星峰下元末遷
于蓮華峰是為今治瀕海有插笏山又名獺窟
香山所在縣治
日南徼外占城以西諸國番人雜處粵省為日

久矣省城懷聖寺番塔創自唐朝輪囷十六丈
而宋余靖亦言粵臺之下胡賈雜居特不能定
其來自何國今魯門諸彝自言大西洋人明萬
曆間有利瑪竇者始入中國見魯門風氣苞固
因請于彼國遣衆聚居爲互市計其人多巧思
善製器亦能治曆士大夫樂與暱近相沿往來
不絕初至時每歲納地稅五百金

本朝弘柔遠之德謂國家富有四海何較太倉一粟

特與蠲免彝益感慕其所事之神曰天主高其
觀堂備極華飾京省皆有之而在魯門者爲尤
盛也其像爲女子抱一小兒被服珍怪障以琉
璃望之如生女子曰天母名瑪利亞所抱兒曰
天主名耶蘇漢哀帝時人也其室之右有風琴
臺懸銅絃琴時時自鳴又有鈺鼓管簫諸器藏
機木櫃聯以絲繩輪牙紛錯互相擊撞旋轉旣
窮則諸音自作如出手口左爲定時臺巨鐘覆

其上飛仙立臺隅操椎擬鐘亦以機轉之按時扣擊子一丑二以至亥刻十二擊無少爽前揭圓槃書十二辰日加某時則蟾蜍銜籌指其位主其教者道士也無室家在畧者方姓諸編戶皆有室家婦女長裙絲履男子披髮戴番葉笠曳高屐著淺碧繡帔桃布行纏其交市以夜婦女主之男子不出也故事彼國洋船到布政司驗票收入其物胡椒蘇木哆囉呢洋酒其來嘗

以盛暑其去嘗以臘底因風便也其行賈之地曰大小西洋小西洋去中國萬里半年可至大西洋去中國九萬里三年始至禁海時番船暫阻畧人貧困康熙二十年貢一獅子求通商以濟遠旅許之由是蕃舶復通予至畧彼國使臣率其部人奏番樂以迎其樂器有箏篋琵琶歌聲嗚咿不可辨使臣手握赤籐杖質如珊瑚光潤通明而柔韌可卷不知何物爲彼國所甚重非

王賜不敢握若符節然輿中握杖者四人而已
已而迎者益衆競放鳥鎗其聲拉雜將至館兩
臺砲聲大作山谷爲動館予之室有三層作旋
螺徑以入每進益高斲石爲砌精工絕倫牀几
皆泥金地鋪鮮花蕊瓣厚數寸紅紫爛然侍童
有白黑二種白者曰白鬼質如凝脂最雅靚惟
羊目不眴與中國人異黑者曰黑鬼絕醜怪卽
所謂崑崙波斯之屬也白鬼爲貴種大率皆子

弟黑鬼種賤世僕隸耳其貯茶用玻璃甌承以
瓷盤進果餌數品皆西產也甘芳絕異有頃設
食饌器止四而異香酷烈燔庖殊製鷄臛之臙
皆全體無骨又不見解剝之跡不知何以能然
也方姓言輿中彝目三年十更皆奉彼國王命
彼國王欽仰命風之雙十里水可觀亭未自出
聖朝每遣使必戒以恭順守法尚逆背叛時索其兵
器抗勿予尚逆無以難也予一宿而行將行作

一詩慰勉之舉人出方物數種爲獻有玻璃屏
一鏤金錯鈿備極瑰異千里鏡一連箭四五注
所窺之物而徐展之數十里外可矚毫末自鳴
鐘二大者高六七寸小者半之略倣定時臺之
形扣擊亦同雙聯鳥鎗二長尺有咫可藏袖中
不施燃線第用燧石嵌火門而挾以鐵機機動
火發發必叠雙夜行用以警備人不能測予盡
却之獨取其洋酒一筭其酒釀以葡萄色如琥

珀亦貯玻璃甕內外澄澈十二甕共一筭也按
岳倦翁珂棎史載南海彝商事云番禺獠海雜
居其俗尚鬼如中國之佛而無像用金銀爲巨
槽合鮭炙梁米爲一沃以薇露散以冰腦羣聚
食之其餉客則用酒饌燒羊皮作黃金色酒醇
而甘與崖密無異居無洩溷有樓高百尺下瞰
通流謁者登之以中金爲板施機蔽其下奏厠
鏗然有聲有池亭方廣數丈亦以中金通甃凡

用鏗錠數萬中堂四柱皆沉香又有四柱欲狃于朝舶司以其非常有恐後不繼不之許有窳堵波高入雲表外圍而加之以堊望之如銀筆梯級圓轉如旋螺每層啓一竇四五月間舶將至羣獠臨竇啁晰號呼以祈南風亦輒有驗上施金鷄用代相輪其制作瑰異飲食芬潔絕類今時是知前此來通中國固已有人矣又昌黎集有赤藤杖詩云世傳滇神出水獻赤龍拔鬚

血淋漓又云羲和操火鞭暝到西極睡所遺與予所見亦相近但云出自滇南亦不必產于絕域也存之俟考

萬曆二十六年呂宋市舶至舉舉人拒之不得入二十九年紅毛鬼國駕大舶至舉舉人又拒之番彝譯言但求通貢不敢爲惡臺司怪其無表不納遂巡竟去歸途爲滿刺伽國遮殺殆盡今臺灣相傳爲紅毛地云

唐始置市舶使以嶺南使臣兼領之設市區以
居番人番舶最大者爲獨檣舶能載一千婆蘭
蕃人謂二百斤爲一婆蘭開元中用蕃人言欲通獅子國監
察御史楊範臣以爲市舶與商賈爭利非王者
之體上引咎罷之元和貞元中蕃人數不靖討
平之節度使王處休令市舶之外一無所取嘗
表奏曰海門之外隱若敵國資忠履信貽厥將
來時稱得體宋開寶四年置市舶司于廣州熙

寧中罷明杭二市舶司皆隸廣州大觀中復舊
建炎元年禁買篤耨香瑪瑙貓兒眼諸無用物
惟取象犀可充帶飾者乾道初置提舉官元罷
之禁勿開明初復設凡東洋交市多用絲紵回
易鶴頂等物西洋交市多用川廣貨回易胡椒
等物沉香有黃沉烏角沉至貴有蠟沉惟奇南
木乃沉之生結者犀角有烏犀花犀通天犀至
貴有復通犀洪武二年初置市舶提舉司設署

廣州城外一里卽宋市舶亭海山樓故址也宋樂間遣內臣鎮守領市舶事尋于廣州蜆子步創室一百二十間以處番人隸提舉司正德中佛朗機國稱朝貢闌入東莞南頭樹柵以居砲聲轟烈震駭遠邇多爲不法甚至掠十歲以下兒烹食之姦民因爲誘販每口得金錢五十枚有司廉得以聞發兵逐捕戮其渠魁亞三餘猶狡抗數用銃敗我軍或獻計募善泅者伏水鑿

沉其船始敗遁去佛朗機砲自是始入中國是年有詔絕番舶而粵市蕭然無復舊觀兩廣巡撫林富奏曰按祖訓安南真臘占城蘇門荅刺西洋瓜哇彭亨白花三佛齊渤泥諸國俱許朝貢佛朗機本不載祖訓布政使吳廷舉誤許其貢致有驚侮誠爲失考成憲乃因此盡絕諸蕃舶不幾因噎廢食乎以臣度之蕃舶通時抽解可供御用存庫可佐軍餉小民持一錢之貨卽

得握椒展轉貿易可以自肥廣東舊稱富庶良以此耳因民所利而利之誠與尋常言利者不同至于內外之防但須嚴勅津戍有祖訓不載之國而妄冒貢舶者立驅出境自不致意外之虞矣疏入報可于是番舶復通

國朝不設市舶提舉兼領于鹽課提舉司禁海并罷復通後令番舶駐前山寨陸運貨物至香山令藩幕一員監之今遣部屬董其事

黃梁都長百里廣八十里周四百里由香山小河五十里至海崖渡海二十里抵島岸其村落有東澳村大乾霧村小乾霧村南山村南門村大赤坎村小赤坎村山蕉園油麻埔斗門村小濠涌村大瀝岐村三洲村芋葵村沙江村山底村大濠浦村荔枝山泥灣村龍潭村南禪佛村澁涌村黃泥塘村黃楊山諸處黃楊山卽鄧光薦携家隱居地也光薦廬陵人至此遇寇妻子

十二口俱焚死復走之烏巖山與文信國同舟
倡和光薦有題崖石詩久之成東海集信國爲
之序三洲山去烏巖二十里三峰並立海中亦
名大園山赤坎岡卽在黃楊山之陽相傳爲張
世傑葬處詳辨于海陵島條中萬曆五年日本
薩子馬島賊舟二十餘寇溫州舟壞倭帥丹俄
率四十餘人犯大鵬副使孫光祖參將胡震躡
之九洲洋賊窘急登黃楊山官兵逐之殲焉小

大橫琴長五十里廣三十里小橫琴長三十里
廣二十餘里有橫琴村井澳井澳卽宋史所稱
端宗舟過此遇風幾敗者也傍有湖居里宋世
沙涌人馬南寶居之端宗至獻粟千石召拜工
部侍郎景炎二年十一月以其家爲行宮南寶
極力營護旣而帝之碇州尋崩還殯南寶家後
葬于崖山宋亡南寶悲不自勝作詩有目擊崖
山天地改寸心難與夜潮消之句後訛傳帝昴

在占城糾衆往迎被執不屈死明黃瑜井澳詩
云江南破白雁過更無一寸土可坐自閩入廣
隨波流流氛暗天天亦愁黃蘆埋岸風颼颼上
有深井澳下有仙女澳漁舟不到御舟到風吹
御舟力排募嗟嗟悲哉誰與告江南破白雁過
宋末童謠也

三竈島長七十里廣五十里烏沙海滙其東林
木葱蘢中有三石如竈故名其聚落有大索村

春花園茅田村魚弄村草塘村聖堂村上表村
下表村斤竹園神前村銀坑村望下村占浦村
島中春花園諸處腴田三百頃宋時在黃字上
下圍元時海寇劉進據之洪武初屬黃梁籍居
民吳進添通番爲亂二十六年都指揮花茂奏
討平之遷其民除其稅虛其地屯千人守之正
德中南海勢家借新會虛稅影占此土招畚蠻
盜耕漸以成熟自是島民相與攘奪數更其主

知縣鄧遷清丈入官收其租貯倉備賑後因軍
餉不敷變賣以充而田仍歸民矣其旁復有松
柏峽白蕉山大托山蜘蛛洲坦洲諸小島
沙尾北山長一百里廣九十里
旗纛澳長九十里廣四十里
九洲洋九山星列在粵門東北鷄拍村在其西
高欄在縣西南海程一百十里長四十五里廣
三十五里

黃角在縣東北八十里屬虎門汛長一百二十
里廣八十里

鷄拍村隸恭常都有銀涌角宋世產銀屬廣州
宜祿場大觀中廣東廉訪使黃烈奏言礦內黃
脉微甚而浮沉之人以納官爲名發毀民田非
法詔罷之嚴禁私開三百年無敢動正德中姦
民捏旨採煎遂成礦盜閭里爲墟
象角頭海在伶仃洋西二十里西接鱗鯉北連

大欖

石岐海中有浮虛山與波上下在縣北七十里

三月丁酉朔行一百八十里泊順德

順德在香山之北少西亦四面通潮元年不遷

三年續遷豁田地一千二百二十六頃有奇

村名今從順德營撥守仰船岡諸汛

十五名馬寧汛千總一兵三十五名白藤二十

七名橫流把總一兵三十五名大黃埗二十二

名小黃埗二十二名龍灣遊

擊一千總一兵一百七十名候閱定

順德縣本南海之東埔馬寧西淋三都地正統

十四年鶴冲堡賊黃蕭養作亂討平之景泰三

年析而置縣治大良堡

呂嘉拒漢築石甕金斗二城金斗即香山地順

德城南七里有石涌村蓋越人謂甕曰涌也近

縣諸村更有西涌涌口之名疑皆從此推

碧鑑海源出粵江其色澄碧可鑑人形縣北三

十里曰三曹海又十里曰庚流海以水向庚流

故名縣西二十里曰錦里海又八十里曰洪濛
海皆小川也縣北四十五里曰疊石海在桂林
堡東接新會西南七十里曰石頭海西通香山
皆自北而南注于大海蓋越人謂海曰南也
仰船海在縣西南七十里出三瀝海西通香山
戊戌次廣州登粵王臺

庚子拜冬官命卽驛庭望闕謝恩

辛丑謁南海神廟次于野

南海神廟在縣西二十里

廣州有重海在南海番禺之境者內海也元年
不遷三年番禺縣續遷田地六百七十四頃有

奇

遷界村名不述南海縣亦有遷闕時已復不贅

按吳越春秋闔廬子

孫避越嶺外築南武城其後楚滅越越王子孫
自臯鄉入始興令越人公師隅修吳故城居之
卽今郡城是也通歷周夷王八年楚子熊渠伐
揚越自是南海事楚有楚庭亦如尉陀有朝漢
臺也其後越人爲楚所逼竄走叢薄而裴淵廣

州記云戰國楚相高固時有五羊萃于庭則遂
爲楚有矣秦以任囂爲南越尉立南海郡初居
瀧口西岸俗名萬人城旣乃入治番山隅因楚
庭之舊又以舊有五羊銜穀之祥增築南武城
號五羊城尉陀代囂益廣之故今又謂趙佗城
漢武帝元鼎五年平南越號故城爲越城建安
末吳步騭爲廣州刺史以越城就圯乃廓其北
面番山爲番禺城二十二年遷州治于此隋開

皇十年析置南海縣治城北芝蘭湖今禺山卽
在城內東南隅迤邐而北卽番山也三山連屬
如長城南漢劉龔以南城尚隘始鑿平禺山以
益之就番山積石爲朝元洞復以沉香爲臺觀
于禺山上宋熙寧間經略使程師孟增築西城
嘉定三年經略使陳峴復于城南築雁翅城以
衛民居洪武十三年末嘉侯朱亮祖請連三城
爲一闢東北山麓以廣之周三千七百九十六

丈而規模大備矣其城形如覆鐘北枕高山如鐘紐卽粵王臺也登之可盡一城之勝東西南三面浚池長二千三百五十六丈獨缺北面宋世嘗于東西置堰瀦水以限北城之址成化間巡撫陳濂議鑿北山溝通之慮傷龍脉不果行郡城三面皆江南距大海東江在城東南二十五里自博羅西流西江在城西北五十里源自泮河合灘江過肇慶而東北江卽滇武三水過

臨武合于西江二江並會于城南海中東海之潮由佛堂門入惠州界歷甲子虎頭以達東莞之斜西海南入大洋分其餘波注郡南今去城百里至古斗村浩淼無際卽諸江會處也有石如珠屹立波心曰海珠石南漢創慈度寺于其上又東過瀝滂達于蜺江滙于南海廟前海隅出日水中見之有浴日亭是謂波羅江又合諸水入于南海

南海廟創自隋時唐天寶間始封廣利王元和十二年韓愈撰廣利王廟碑文廣州刺史孔戣立宋康定二年加號洪聖有玉簡玉硯象鞭石硯製作精巧又宋真宗賜玉帶及番國金書表龍牙火浣布各一藏于市舶庫至和元年加王冕九旒犀簪導青纊充耳青衣五章朱裳四章革帶鉤鑠綺紱素帶大帶錦綬履鞮并內出花釵九株桂襪簪鑲署曰賜明順夫人元時賜銀

盒金幡今俱不存配以六侯曰助利侯達奚司空也曰助威侯社司空也曰濟應侯巡海曹將軍也曰順應侯巡海提點使曰輔靈侯王長世子也曰贊寧侯王次子也洪武三年額封南海之神盡除諸王侯封號因屢著靈異復賜金盒黃幡以荅神貺嘉靖初按察副使徐文溥始徹夫人像而鄉民猶崇信如故云廟在城南八十里本非海島然陸行必踰斗嶺仄徑不若一

帆之便而唐時刺史往往觀顧怖悸以疾爲解
委其事于副至以孔公親祀爲僮事是不可曉
廟廷有兩波羅樹爲廟與江所得名其旁有扶
胥鎮卽韓碑所謂扶胥之口黃木之灣也
浮丘山在城西四里先在水中若浮四面篙痕
宛然宋初有陳崇藝者年百十二歲自言兒時
見山根艤船數千今去海已四五里番禺雜記
浮丘山下有珊瑚井相傳海神嘗獻珊瑚于此

又三里爲荔枝灣舊圖經云廣四十里袤五十
里劉鋹建昌華苑于其上又十里爲花田彌望
皆種素馨花南征錄云劉王宮人死葬于是至
今花香特甚他處丹鉛餘錄載陸賈南中行紀
云南中諸花惟素馨花香特酷烈彼中女子以
綵絲穿花心繞髻爲飾梁章隱味素馨花詩云
細花穿弱縷盤向綠雲鬟用陸語也花繞髻之
飾至今猶然謂之花梳

海目山在城西南一百四十里海中並列兩峰
其形如目故名有芳秀臺龜石臺諸勝

暹羅貢使坤匣派拍紗來謁列貢船數以上具言
船名烏頭夾板舵正貢船長九丈九尺中廣二丈
五尺三寸深一丈五尺四寸頭廣八尺尾廣一丈
四尺桅名打馬樹大者長七丈五寸圍九尺次長
五丈九尺五寸圍七尺象船長八丈二尺四寸中
廣一丈八尺深一丈四尺頭濶四尺八寸尾濶一

丈大桅長六丈六尺圍五尺五寸次桅長五丈三
尺八寸圍四尺正船空時食水七尺裝載食水一
丈一尺五寸象船空時食水五尺裝載食水一丈
二寸以康熙二十二年五月初二日發本國正船
于閏六月二十日抵虎門象船于六月初十日自
廣南外邏失風漂至廈門九月二十一日始至虎

門
按暹羅國故爲暹國及羅斛二國地在占城極

南隋大業間屯田主事常駿至其地有地名吉赤土遂訛傳爲赤眉遺種元至正間暹降于羅斛始合爲一國明洪武初國王參烈昭昆牙遣使入貢未樂間與其旁國滿刺伽相讐殺成祖詔諭王曰比者滿刺伽國王亦思罕荅兒沙嗣立能繼乃父之志躬率妻子詣闕朝貢其事大凡之誠與王無異然聞王欲加之兵夫兵者凶器好兵非仁者之心况滿刺伽旣已內屬卽爲朝

廷之臣不先申愬而輒加之兵是不有朝廷矣王宜深思輯睦鄰國並受其福豈有窮哉暹羅王得詔悔禍息兵終明之世朝貢不絕在

國朝尤爲恭順康熙二年六年十年皆常入貢其貢品以龍涎香爲上在彼國每兩直金錢十二枚每貢不過一斤又有金銀香樹膠香羅斛香碗石犀角象牙翠毛龜筒六足龜鮫綃布紅撒哈刺布紅地絞節智布人象花紋布乍連花布葱

白暗花布之屬龍涎香出蘇門答刺國有龍涎
嶼獨峙南巫里洋每至春間羣龍交戲遺涎石
上國人駕獨木槎取之遇風則下海一手攀槎
一手搯水以至岸其涎初若脂膠黑黃色久乃
凝結或從魚腹剝得之有大如斗者遊宦紀聞
云海傍人伺草上有雲卽知有龍睡守之至散
卽知龍去矣得其真者和香焚之翠烟浮空結
而不散有三種一曰泚水輕浮水面善泅者掠

取之一曰滲沙雜和沙中一曰魚食則從魚糞
得之是又謂隨處可得不必蘇門之嶼也嘗閱
雜華疏鈔及西域記西土諸香有旃檀薰陸兜
樓婆畢力迦之屬以牛頭爲第一此香因龍鬪
而生蓋梵語謂交合爲鬪今黎人猶呼雌雄兩
鷄爲一鬪也龍涎當卽龍齋耳嘉靖三十四年
司禮監奉中旨訪買龍涎香爲蘸壇之用每斤
給價一千二百兩徧購之番舶僅得十一兩益

以廣獄死囚馬那別所獻及密地山彝所採始
滿一斤官司按驗其中有褐黑色者有褐白色
者多用贗物攙和其難得如此南宋人多作詞
味之王沂孫云孤嶠蟠烟層濤蛻月驪宮夜採
鉛水李彭老云波浮海沫誰喚覺鮫人春睡呂
同老云剪碎腥雲杵勻枯沫皆善寫實事唐藝
孫云海蜃樓高仙娥鈿小縹緲結成心字則又
言烟縷之異要之珍賞非一世矣自蘇門荅刺

順風十二晝夜至錫蘭山國隋常駿至林邑極
西望見焉番語謂高山爲錫蘭因名有翠藍嶼
在龍涎嶼之西北相傳釋迦嘗來佛跡猶存未
樂七年太監鄭和至其地王不恭和潛師襲破
其國擄其王以歸至京師赦之遣還更擇國中
賢者爲王錫蘭之南界爲別羅里自別羅里西
南行七晝夜爲溜山洋國又十晝夜爲古里國
又二十晝夜爲卜刺哇國與柯枝小葛蘭接自

小葛蘭二十晝夜爲木骨都束國自古里行十
晝夜至忽魯謨斯國又二十晝夜至刺撒國又
二十晝夜至阿丹國又自忽魯謨斯行四十晝
夜至天方國西洋盡處矣未樂間所見西南諸
國如此
壬寅行百里止東莞

癸卯行三十里至石角舍巨艦易邏海小艦出海
口行二十七里至鎮口又十里至虎門寨登最高

山巔望大虎小虎山三門橫當砲臺及南沙海南
柵寧洲等島决皆可盡三門在寨南二里又南五
里爲寧州島南山砲臺在寨西七里又一里爲橫
當臺又西二里爲南沙又西十里爲蕉門又西二
里爲黃角左汛又西五里爲黃角右汛香山所轄
也南柵鄉在寨東僅隔一水又東五里爲上角村
又東三十里爲碧頭鄉而茅洲墟鹽場在寨之東
南四十里皆接新安境是日仍返東莞

元年畫界自小虎山歷大虎山虎門寨等境

鎮蟻公山白沙至三角山為東莞邊邊界以外

距海三十五里者新村柏樹矮岡三十里者白

泥坑田心寨龍眼北柵圍大寧墟溪岡大坑鍾

屋地羊灣尾懷德長坑獨樹二十八里者河潭

岡二十六里者田尾二十五里者鍾屋圍橫樹

頭二十二里者大寧西坑二十里者社岡增田

十五里者宮涌新地十里者壘尾濶澳餘九里

至一二里江門等

石岐村竹洲金洲角嘴崖小捷壘頭側岡尾上角白石凹

白石下路沙頭烏沙白石沙上沙及海島寧洲

大井上僅咸西蕭邊涌頭田寨

海南柵俱移并續遷共豁田地八百三十六頃

有奇于虎門諸汛因界設守展界稍復今從虎

門營撥守石子頭諸汛

石子頭把總一兵一百七名麻涌口把總一兵一百二十四名到壘四十名大涌口七十七名鎮口把總一兵九十七名三門臺二十八名南山臺把總一兵三十一名橫當臺把總一兵一百名黃角把總一兵七十名候閱定

晉咸和元年置東官郡領九縣首寶安即治所

也在今縣南二百里隋開皇間廢爲縣唐至德二年改名東莞移治倒埔卽今縣治也其實安舊基洪武二十七年改爲東莞所命千戶洪皓開築城五百五十二丈萬曆初卽所城稍擴之置縣治名新安沿寶安之名也其地土名石子岡亦名城子岡以平曠如城故其傍有石鼓紋如龍鱗鳴則兵起盧循入寇時嘗有聲今戍地有石子頭倒塹皆相近地莞草名如蘭可以編

席

大嶺山在縣西南二十里奇特聳峭下視羣山如蟻垤瀑布水出其陽紫霞泉出其陰相傳宋世有道人崔羽號紫霞君遊羅浮至此鑿井得

泉云

三門海在縣西南六十里因海中有大小虎山分水爲三故名潮水至此分爲三派已復合而爲一名大步海珠生其中曰媚珠池

虎頭門寨海島也縱十二里橫五里周十二里
宋景炎二年張世傑奉帝舟次于秀山卽此又
西南八十里大海中有梅蔚山景炎二年正月
帝舟次于梅蔚卽此按是年二月帝舟移古塔
十二月自秀山移井澳又次謝女峽劉深追之
七星洋井澳在橫琴島籌海圖編有仙女峽九
星洋在零丁洋西三角山一名蓮華峰九峰峻
聳狀如蓮花上有池池中石與蠟房相融結蓋

湧于海也

武山在大海中潮汐消長于此可辨宋余襄公
靖紀行云凡月加午位而潮平者朔在日中上
弦在日入望在夜半上弦前爲晝潮以後爲夜
潮凡月加子位而潮平者望在日中下弦在日
出朔在夜半下弦前爲夜潮以後爲晝潮此南
海之潮候也按潮汐天地之呼吸也當其日中
而平也日出初生爲吸之始日入消盡爲呼之

終當其夜半而平也日入始生爲吸之始日出
消盡爲呼之終消生循環呼吸互根一日兩巡
此南海之潮候也然亦有不同者雷州人言調
黎之水一日一潮那黃之水一日兩潮至域外
尤多異候占城外羅歷大佛靈至崑崙山有七
嶼七港號爲七門自朔至望潮水自東旋西旣
望至晦潮水自西旋東真臘之潮自官船口注
大埔朔望并潮一上七日水長丈六七七日後

日夜分爲兩潮水長一二尺是又不可解明世
于此設武山陸營與虎門水寨相應天啓三年
總督王尊德築城爲駐兵之所今不復設
缺口鎮白沙村皆巡檢司麻埗村一名中堡舊

設中堂巡檢司

計十里風六十里

入武山縣

海南柵縱橫各八里周三十五里有南柵鄉南
柵村西涌村留亭步溪泥凹板頭村冬瓜鬱村
涌口村南岸村新村南涌口村溪頭村對面岡

永安村西安村東北村

寧洲鄉縱六里橫三里周二十里有東村西村

溪螺後村坑塘村崩沙村

南沙縱十五里橫十里周六十里
村名疑混入海南柵

甲辰復易舟行二十里次板土瀝林

張正郎分閱新安新安城南水程二十里至伶仃

山山外即伶仃洋縣東一百六十里為大鵬所其

南面有七娘山山外為老大鵬即濱大海所城東

南有海口大船可入其東北過西鄉嶺小貴嶺復

有港口僅通小舟大奚山海島在邑南水程九十

里 志稱二 佛堂門海島在邑東南水程一百五十

里 志稱二 元年畫界自三角山歷馬鞍山等境

源泉山河水口香櫟

圍周家山田心圍凉水井羊蹄山更鼓山北竈

山圍村上村新安縣崇鎮鋪照穴岩白石山漢

塘山龍灣山梅嶺村新英村赤尾村塘尾圍隔

塘圍箝口山平輦山後梧桐山黎峒村梧桐山

鹽田村梅沙山溪涌山下洞山湧浪至大鵬所

山梅子林田頭山逕口山窰凹嶺

爲新安邊邊界以外距海二十五里洪田二十
里嶺下鮎魚溪螺湖玉勒上寮白沙燕村十五
里粉壁嶺龍躍頭穀豐嶺石岡田寮白水鄧家
崩十三里黎峒十二里上水十里半天雲小坑
上下屯門漢塘高莆錦田豐園萌阿媽田平山
園山下村大井田心綱井石祖廟新橋丙岡及
附海六七里至一二里河上鄉等 張屋村鷄雉
上下步赤尾
隔田新英村江下穀田龍塘東山流塘埭心臣
田北竈山猪凹西鄉鰲灣固戍大坑村龍騎大

對山橫岡大嶺下碧州屯村花山犬眠地鶴藪
南蛇牛欄山西貢西洋尾王母澗沙岡下沙歐
陽水背疊福關湖溪涌奇埔上下埔梅大灣鹽
田麻雀嶺大步頭湓涌錠角村大梨園牛騎龍
蛟塘大浪馬鞍山壕涌天妃廟舊官富司衙前
九龍古堦淺灣黃泥舖橫洲沙岡下村竹園官
埔米步飯籬洲新田洲頭勒馬洲蛟洲白岡橋
頭小橫岡石下新竈沙頭沙尾西涌榕樹角白
石山禾岭岡石園塘黃田菱塘福未司竈下嘴
頭角歸德塲白頭岡大步涌漁洞大田茅州山
茅州墟東煮舖潭頭港口上下山門上頭田莆
尾黃松岡石岡溪頭沙浦劉岡涌頭塘周山碧
頭 暨佛堂門大奚山鵝公澳榕樹澳白沙澳鷄
村 栖澳南頭香港塘福梅窩石壁螺杯澳大澳沙

螺灣諸海島皆移并續遷共豁田地一千三百五十九頃有奇于大鵬所置重兵又因界設守展界稍復今從新安營撥守碧頭諸汛

碧頭臺千總一兵四十五名佛子凹把總一兵五十九名南山臺千總一兵六十名九龍臺把總一兵七十三名

候閱定

佛堂門海中孤嶼也周圍百餘里潮自東洋大海溢而西行至獨鰲洋左入佛堂門右入急水門二門皆兩山夾峙而右水尤駛番舶得入左

門者為已去危而即安故有佛堂之名自急水角逕官富場又西南二百里曰合連海蓋合深澳桑洲零丁諸處之潮而會合于此故名又西南五十里即虎頭門矣其地又有龍穴洲嘗有龍出沒其間故名每春波晴霽蜃氣現為樓臺城郭人物車馬之形上有三山石穴流泉舶商回國者必就汲于此又有合蘭洲與龍穴對峙上多蘭草故名潮至此始合零丁洋即文信國

賦詩處桑洲之旁又有大王洲馬鞍洲陳璉詩
云瀰漫合蘭海南與滄溟通蜃氣起鮫室珠光
出龍宮

大奚山在合連海中俗曰大姨又有小姨山與
俱峙中環三十六嶼周圍三百餘里居民以魚
鹽爲生宋史慶元三年提舉鹽茶徐安國以捕
私鹽致亂知廣州錢之望遣兵擊賊殲之遂墟
其地後有萬姓者據之呼爲老萬山籌海圖編

載其名明祁順有大奚山詩滄海波濤濶奚山
島嶼多空中排玉笋鏡面點青螺洞古雲迷路
巖深鳥占窩昔人屯戍處遺跡徧烟蘿
南頭戍地古在屯門鎮曹能始名勝志載紀事
云東莞南頭城古之屯門鎮韓愈南遷詩云乘
潮破扶胥近岸指一髮屯門雖云高亦應波浪
沒卽此也今志城池條不復載籌海重編圖載
屯門澳在海中屯門山今名杯渡山上有滴水

巖虎跑井神僧傳云杯渡禪師不知姓名嘗乘木杯渡海因以爲號禪師入粵後又嘗至建業宿齊諧家宋元嘉三年九月死葬覆舟山至五年三月復詣諧所衆皆驚異尋復辭去云當詣交廣間云明嘉靖四十五年議設叅將一員駐劄南頭兼理惠湖萬曆四年題定止防廣州統兵二千餘餘艘八十艘常駐新安遇汎出海東自吳寮港接碣石汎地西歷大鵬佛堂橫琴三

竈至三角洲與廣海汎地相接廣海虎頭兩汎皆屬其節制又設中權二部水軍隸廣帥下駐三門與相策應議者曰日本諸島入寇多自閩趨廣柘林爲第一關宜會兵以扼之過此必越屯門鷄栖佛堂門冷水角老萬山虎頭門諸處而南頭爲尤甚東莞有備則不得泊矣又西必歷峽門望門大小橫琴零丁洋仙女澳三竈山九星洋諸處而浪白澳爲尤甚香山有備則不

得泊矣又西必歷崖門寨門海萬斛山礪洲諸處而望峒澳爲尤甚廣海有備則不得泊矣此昔日備倭之說也

國朝厚集防兵于碣石虎門而南頭不復置戍焉

大鵬所城四面皆山洪武二十七年千戶張斌築周三百二十五丈雉堞一千一百門三康熙十六年八月颶風城樓雉堞皆傾知縣李可成修復自新安至大鵬沿海皆鹽田西鄉混州屯

門爲尤多

梧桐山在邑東四十里多梧桐異卉

龍躍嶺在邑東南五十里

